

Ittiin Lixa

1 ¹ Kun mul'ata Yesus Kristos, isa inni ittiin wanta dafee ta'uun irra jiru hojjetoota isaatti argisiisuuf Waaqayyo biraa argatee dha; inni ergamaa isaa waaqa irraa ergee kana hojjetaa isaa Yohannisitti beeksise*. ² Yohannis wanta Waaqayyo dubbate, Yesus Kristos isaaf dhugaa ba'uu isaa, hamma dhaga'ee fi hamma arge dhugaa ba'eera*. ³ Barri kun itti raawwatamu waan dhi'aateef, namni isa inni dhugaa ba'e kana dhageessisee dubbisu, warri dubbii raajii dubbatame kana dhaga'anii, wanta isa keessatti caafames eegan attam haa gammadan*!

*1 22:6-7; Dan 2:28-29

*2 19:10

*3 22:7,10; Luq 11:28

Waldoota Kristiyaanaa Torbanuuf Nagaa Erguu Isaa

4 Ani Yohannis, waldoota kristiyaanaa torban kutaa biyya Asiyaa keessa jirtaniif kana caafuu koo ti. "Ayyaanni, nagaan Waaqayyo isa jiru, isa ture, isa dhufuuf jiru biraa, hafuurota torban teessoo isaa dura jiran biraa*", ⁵ Yesus Kristos biraas isiniif haa ta'ul!" jedhee nagaa koo isiniif nan dhi'eessa.

Yesus Kristos dhuga-baattuu amanamaa dha, inni warra du'an keessaa angafa ta'ee kaafame, mootota lafa kanaas in abbooma. Inni nu jaallatee, dhiiga isaa isa nuuf dhangala'een cubbu keenya irraa nu fure*. ⁶ Isa mootummaadhaa fi Waaqayyo abbaa isaa tiif luboota akka taanu nu godhate sanaaf, ulfinnii fi aangoon baraa hamma bara baraatti haa ta'ul! Ameen*.

*4 Bau 3:14; Mul 3:1; 4:5; 5:6; Isa 11:2

*5 Isa 55:4; Far 89:27,37; Mul 3:14; Yoh 18:37; Qol 1:18; Efe 1:7; Ibr 9:14

*6 5:10; Bau 19:6; Isa 61:6; IPhe 2:5,9

⁷ Kunoo, inni duumessaa wajjin dhufuuf jira;
iji hundinuuf isa ilaaluuf jiru,
warri isa waraananis immoo isa arguuf jiru;
gosi nama lafa irraa hundinuuf isaaf in wawwaatu;
eyyee akkasuma in ta'a*.

*7 Dan 7:13; Mat 24:30; Mar 13:26; Luq 21:27; 1Tas 4:17; Zak 12:10; Yoh 19:34,37

⁸ Waaqayyo gooftichi, inni jiru, inni ture, inni dhufuuf jiru, inni hundumaa danda'u, "Ani Alfaa dha, Omeegaa dhas" jedha; [kana jechuun, "Ani isa duraa ti, isa booddee tis" jechuu dha]*.

*8 21:6; 22:13; 4:8; Bau 3:14; Isa 41:4

Mul'ata Isa Jalqabaa Arguu Isaa

9 Ani Yohannis obboleessi keessan rakkina keessaa, mootummaa keessaa, obsaan Yesusii wajjin hafuu keessaas isinii wajjin nan hirmaadha. Dubbii Waaqayyoo duukaa, wanta Yesus dhugaa ba'e duukaas waanan bu'eef, biyya bishaan keessaa ishee "Phaaximoo" jedhamtu tokkotti nan geeffame*. ¹⁰ Guyyaa isa "Guyyaa Gooftaa" jedhamee beekametti, ani hafuuraan guutameen booddee kootiin sagalee guddaa, sagalee malakataa fakkaatu tokko dhaga'e*. ¹¹ Sagalichis, "Waan argaa jirtu akka inni macaafa ta'utti caafi! Isas waldoota kristiyaanaa mandara Efesoon, mandara Simiirnaa, mandara Phergamoon, mandara Tiyaatiraa, mandara Saardes, mandara Filaadelfiyaa, mandara Laa'odiiqueyaa jiran torbaniif ergil" jedhe.

*9 6:9; 20:4

*10 4:1-2

12 Ani sagalee dhaga'een isa anatti dubbatu ilaaluudhaaf garagale; yommuun garagales baattuu ibsaa warqee irraa hojjetame torba nan arge*. ¹³ Baattuuwwan ibsaa sana gidduu immoo ilma namaa kan fakkaatu tokko uffata gad dheeraa miilla bira ga'u uffatee, wanta akka hidhata warqeetiinis qoma isaa hidhatee ture*. ¹⁴ Rifeensi mataa isaa akka rifeensa hiddamaa yookiis akka cabbii in calaqqisa; iji isaas akka barbadaa ibiddaa ti*. ¹⁵ Miilli isaa akka sibiila diimaa isa boolla ibiddaa keessatti baqamee ifuu ti, sagaleen isaas akka sagalee huursaa bishaan baay'ee ti*. ¹⁶ Harka isaa mirgaa keessaa urjoota torba qaba; afaan isaa keessaa billaa qara-qabeessa gara lamaan qarametu

ba'a; fuulli isaas akka biiftuu saafaa in ifa*.

*12 Bau 25:37; Zak 4:2

*13 2:1; 14:14; Dan 7:13; 10:5-6

*14 2:18; 19:12; Dan 7:9

*15 10:1; Dan 10:6; His 1:24; 43:2

*16 1:20; 2:12; 19:15; Mat 17:2

17 Yommuun isa arge akka nama du'ee miilla isaa jalatti nan kufe. Inni immoo harka isaa mirgaa ana irra kaa'ee, "Hin sodaatin! Inni duraa, inni booddees ana*; ¹⁸ inni jiraatus ana. Takka illee du'een ture, amma garuu kunoo, baraa hamma bara baraatti jiraachuuttan jira; du'a irratti, balbala iddoo warra du'anii banu irrattis ani gooftummaa qaba*. ¹⁹ Ammas wanta amma ta'uutti jiru, wanta kana booddee ta'uuf jirus isa argite caafi! ²⁰ Hiikaan urjoota torban harka koo mirgaa keessatti argitee akkasumas baattuuwwan ibsaa warqee irraa hojjetaman torbanii dhokataa ture; amma garuu urjoonni torban ergamoota waldoota torbanii ti, baattuuwwan ibsaa torbanis waldoota torban sanatti in hiikama" jedhe.

*17 2:8; 22:13; Dan 8:18; Isa 44:6; 48:12

*18 3:7

Ergaa Waldaa Efesoonitti Ergame

2 ¹ "Gara ergamaa waldaa Efesoonitti, 'Ergaan kun kan isa harka isaa mirgaatiin urjoota torban qabee, baattuu ibsaa torban gidduu deddeebi'uu ti' jedhii caafi!*" ² ³ ⁴ ⁵ ⁶ ⁷ ⁸ ⁹ ¹⁰ ¹¹ ¹² ¹³ ¹⁴ ¹⁵ ¹⁶ ¹⁷ ¹⁸ ¹⁹ ²⁰ ²¹ ²² ²³ ²⁴ ²⁵ ²⁶ ²⁷ ²⁸ ²⁹ ³⁰ ³¹ ³² ³³ ³⁴ ³⁵ ³⁶ ³⁷ ³⁸ ³⁹ ⁴⁰ ⁴¹ ⁴² ⁴³ ⁴⁴ ⁴⁵ ⁴⁶ ⁴⁷ ⁴⁸ ⁴⁹ ⁵⁰ ⁵¹ ⁵² ⁵³ ⁵⁴ ⁵⁵ ⁵⁶ ⁵⁷ ⁵⁸ ⁵⁹ ⁶⁰ ⁶¹ ⁶² ⁶³ ⁶⁴ ⁶⁵ ⁶⁶ ⁶⁷ ⁶⁸ ⁶⁹ ⁷⁰ ⁷¹ ⁷² ⁷³ ⁷⁴ ⁷⁵ ⁷⁶ ⁷⁷ ⁷⁸ ⁷⁹ ⁸⁰ ⁸¹ ⁸² ⁸³ ⁸⁴ ⁸⁵ ⁸⁶ ⁸⁷ ⁸⁸ ⁸⁹ ⁹⁰ ⁹¹ ⁹² ⁹³ ⁹⁴ ⁹⁵ ⁹⁶ ⁹⁷ ⁹⁸ ⁹⁹ ¹⁰⁰ ¹⁰¹ ¹⁰² ¹⁰³ ¹⁰⁴ ¹⁰⁵ ¹⁰⁶ ¹⁰⁷ ¹⁰⁸ ¹⁰⁹ ¹¹⁰ ¹¹¹ ¹¹² ¹¹³ ¹¹⁴ ¹¹⁵ ¹¹⁶ ¹¹⁷ ¹¹⁸ ¹¹⁹ ¹²⁰ ¹²¹ ¹²² ¹²³ ¹²⁴ ¹²⁵ ¹²⁶ ¹²⁷ ¹²⁸ ¹²⁹ ¹³⁰ ¹³¹ ¹³² ¹³³ ¹³⁴ ¹³⁵ ¹³⁶ ¹³⁷ ¹³⁸ ¹³⁹ ¹⁴⁰ ¹⁴¹ ¹⁴² ¹⁴³ ¹⁴⁴ ¹⁴⁵ ¹⁴⁶ ¹⁴⁷ ¹⁴⁸ ¹⁴⁹ ¹⁵⁰ ¹⁵¹ ¹⁵² ¹⁵³ ¹⁵⁴ ¹⁵⁵ ¹⁵⁶ ¹⁵⁷ ¹⁵⁸ ¹⁵⁹ ¹⁶⁰ ¹⁶¹ ¹⁶² ¹⁶³ ¹⁶⁴ ¹⁶⁵ ¹⁶⁶ ¹⁶⁷ ¹⁶⁸ ¹⁶⁹ ¹⁷⁰ ¹⁷¹ ¹⁷² ¹⁷³ ¹⁷⁴ ¹⁷⁵ ¹⁷⁶ ¹⁷⁷ ¹⁷⁸ ¹⁷⁹ ¹⁸⁰ ¹⁸¹ ¹⁸² ¹⁸³ ¹⁸⁴ ¹⁸⁵ ¹⁸⁶ ¹⁸⁷ ¹⁸⁸ ¹⁸⁹ ¹⁹⁰ ¹⁹¹ ¹⁹² ¹⁹³ ¹⁹⁴ ¹⁹⁵ ¹⁹⁶ ¹⁹⁷ ¹⁹⁸ ¹⁹⁹ ²⁰⁰ ²⁰¹ ²⁰² ²⁰³ ²⁰⁴ ²⁰⁵ ²⁰⁶ ²⁰⁷ ²⁰⁸ ²⁰⁹ ²¹⁰ ²¹¹ ²¹² ²¹³ ²¹⁴ ²¹⁵ ²¹⁶ ²¹⁷ ²¹⁸ ²¹⁹ ²²⁰ ²²¹ ²²² ²²³ ²²⁴ ²²⁵ ²²⁶ ²²⁷ ²²⁸ ²²⁹ ²³⁰ ²³¹ ²³² ²³³ ²³⁴ ²³⁵ ²³⁶ ²³⁷ ²³⁸ ²³⁹ ²⁴⁰ ²⁴¹ ²⁴² ²⁴³ ²⁴⁴ ²⁴⁵ ²⁴⁶ ²⁴⁷ ²⁴⁸ ²⁴⁹ ²⁵⁰ ²⁵¹ ²⁵² ²⁵³ ²⁵⁴ ²⁵⁵ ²⁵⁶ ²⁵⁷ ²⁵⁸ ²⁵⁹ ²⁶⁰ ²⁶¹ ²⁶² ²⁶³ ²⁶⁴ ²⁶⁵ ²⁶⁶ ²⁶⁷ ²⁶⁸ ²⁶⁹ ²⁷⁰ ²⁷¹ ²⁷² ²⁷³ ²⁷⁴ ²⁷⁵ ²⁷⁶ ²⁷⁷ ²⁷⁸ ²⁷⁹ ²⁸⁰ ²⁸¹ ²⁸² ²⁸³ ²⁸⁴ ²⁸⁵ ²⁸⁶ ²⁸⁷ ²⁸⁸ ²⁸⁹ ²⁹⁰ ²⁹¹ ²⁹² ²⁹³ ²⁹⁴ ²⁹⁵ ²⁹⁶ ²⁹⁷ ²⁹⁸ ²⁹⁹ ³⁰⁰ ³⁰¹ ³⁰² ³⁰³ ³⁰⁴ ³⁰⁵ ³⁰⁶ ³⁰⁷ ³⁰⁸ ³⁰⁹ ³¹⁰ ³¹¹ ³¹² ³¹³ ³¹⁴ ³¹⁵ ³¹⁶ ³¹⁷ ³¹⁸ ³¹⁹ ³²⁰ ³²¹ ³²² ³²³ ³²⁴ ³²⁵ ³²⁶ ³²⁷ ³²⁸ ³²⁹ ³³⁰ ³³¹ ³³² ³³³ ³³⁴ ³³⁵ ³³⁶ ³³⁷ ³³⁸ ³³⁹ ³⁴⁰ ³⁴¹ ³⁴² ³⁴³ ³⁴⁴ ³⁴⁵ ³⁴⁶ ³⁴⁷ ³⁴⁸ ³⁴⁹ ³⁵⁰ ³⁵¹ ³⁵² ³⁵³ ³⁵⁴ ³⁵⁵ ³⁵⁶ ³⁵⁷ ³⁵⁸ ³⁵⁹ ³⁶⁰ ³⁶¹ ³⁶² ³⁶³ ³⁶⁴ ³⁶⁵ ³⁶⁶ ³⁶⁷ ³⁶⁸ ³⁶⁹ ³⁷⁰ ³⁷¹ ³⁷² ³⁷³ ³⁷⁴ ³⁷⁵ ³⁷⁶ ³⁷⁷ ³⁷⁸ ³⁷⁹ ³⁸⁰ ³⁸¹ ³⁸² ³⁸³ ³⁸⁴ ³⁸⁵ ³⁸⁶ ³⁸⁷ ³⁸⁸ ³⁸⁹ ³⁹⁰ ³⁹¹ ³⁹² ³⁹³ ³⁹⁴ ³⁹⁵ ³⁹⁶ ³⁹⁷ ³⁹⁸ ³⁹⁹ ⁴⁰⁰ ⁴⁰¹ ⁴⁰² ⁴⁰³ ⁴⁰⁴ ⁴⁰⁵ ⁴⁰⁶ ⁴⁰⁷ ⁴⁰⁸ ⁴⁰⁹ ⁴¹⁰ ⁴¹¹ ⁴¹² ⁴¹³ ⁴¹⁴ ⁴¹⁵ ⁴¹⁶ ⁴¹⁷ ⁴¹⁸ ⁴¹⁹ ⁴²⁰ ⁴²¹ ⁴²² ⁴²³ ⁴²⁴ ⁴²⁵ ⁴²⁶ ⁴²⁷ ⁴²⁸ ⁴²⁹ ⁴³⁰ ⁴³¹ ⁴³² ⁴³³ ⁴³⁴ ⁴³⁵ ⁴³⁶ ⁴³⁷ ⁴³⁸ ⁴³⁹ ⁴⁴⁰ ⁴⁴¹ ⁴⁴² ⁴⁴³ ⁴⁴⁴ ⁴⁴⁵ ⁴⁴⁶ ⁴⁴⁷ ⁴⁴⁸ ⁴⁴⁹ ⁴⁵⁰ ⁴⁵¹ ⁴⁵² ⁴⁵³ ⁴⁵⁴ ⁴⁵⁵ ⁴⁵⁶ ⁴⁵⁷ ⁴⁵⁸ ⁴⁵⁹ ⁴⁶⁰ ⁴⁶¹ ⁴⁶² ⁴⁶³ ⁴⁶⁴ ⁴⁶⁵ ⁴⁶⁶ ⁴⁶⁷ ⁴⁶⁸ ⁴⁶⁹ ⁴⁷⁰ ⁴⁷¹ ⁴⁷² ⁴⁷³ ⁴⁷⁴ ⁴⁷⁵ ⁴⁷⁶ ⁴⁷⁷ ⁴⁷⁸ ⁴⁷⁹ ⁴⁸⁰ ⁴⁸¹ ⁴⁸² ⁴⁸³ ⁴⁸⁴ ⁴⁸⁵ ⁴⁸⁶ ⁴⁸⁷ ⁴⁸⁸ ⁴⁸⁹ ⁴⁹⁰ ⁴⁹¹ ⁴⁹² ⁴⁹³ ⁴⁹⁴ ⁴⁹⁵ ⁴⁹⁶ ⁴⁹⁷ ⁴⁹⁸ ⁴⁹⁹ ⁵⁰⁰ ⁵⁰¹ ⁵⁰² ⁵⁰³ ⁵⁰⁴ ⁵⁰⁵ ⁵⁰⁶ ⁵⁰⁷ ⁵⁰⁸ ⁵⁰⁹ ⁵¹⁰ ⁵¹¹ ⁵¹² ⁵¹³ ⁵¹⁴ ⁵¹⁵ ⁵¹⁶ ⁵¹⁷ ⁵¹⁸ ⁵¹⁹ ⁵²⁰ ⁵²¹ ⁵²² ⁵²³ ⁵²⁴ ⁵²⁵ ⁵²⁶ ⁵²⁷ ⁵²⁸ ⁵²⁹ ⁵³⁰ ⁵³¹ ⁵³² ⁵³³ ⁵³⁴ ⁵³⁵ ⁵³⁶ ⁵³⁷ ⁵³⁸ ⁵³⁹ ⁵⁴⁰ ⁵⁴¹ ⁵⁴² ⁵⁴³ ⁵⁴⁴ ⁵⁴⁵ ⁵⁴⁶ ⁵⁴⁷ ⁵⁴⁸ ⁵⁴⁹ ⁵⁵⁰ ⁵⁵¹ ⁵⁵² ⁵⁵³ ⁵⁵⁴ ⁵⁵⁵ ⁵⁵⁶ ⁵⁵⁷ ⁵⁵⁸ ⁵⁵⁹ ⁵⁶⁰ ⁵⁶¹ ⁵⁶² ⁵⁶³ ⁵⁶⁴ ⁵⁶⁵ ⁵⁶⁶ ⁵⁶⁷ ⁵⁶⁸ ⁵⁶⁹ ⁵⁷⁰ ⁵⁷¹ ⁵⁷² ⁵⁷³ ⁵⁷⁴ ⁵⁷⁵ ⁵⁷⁶ ⁵⁷⁷ ⁵⁷⁸ ⁵⁷⁹ ⁵⁸⁰ ⁵⁸¹ ⁵⁸² ⁵⁸³ ⁵⁸⁴ ⁵⁸⁵ ⁵⁸⁶ ⁵⁸⁷ ⁵⁸⁸ ⁵⁸⁹ ⁵⁹⁰ ⁵⁹¹ ⁵⁹² ⁵⁹³ ⁵⁹⁴ ⁵⁹⁵ ⁵⁹⁶ ⁵⁹⁷ ⁵⁹⁸ ⁵⁹⁹ ⁶⁰⁰ ⁶⁰¹ ⁶⁰² ⁶⁰³ ⁶⁰⁴ ⁶⁰⁵ ⁶⁰⁶ ⁶⁰⁷ ⁶⁰⁸ ⁶⁰⁹ ⁶¹⁰ ⁶¹¹ ⁶¹² ⁶¹³ ⁶¹⁴ ⁶¹⁵ ⁶¹⁶ ⁶¹⁷ ⁶¹⁸ ⁶¹⁹ ⁶²⁰ ⁶²¹ ⁶²² ⁶²³ ⁶²⁴ ⁶²⁵ ⁶²⁶ ⁶²⁷ ⁶²⁸ ⁶²⁹ ⁶³⁰ ⁶³¹ ⁶³² ⁶³³ ⁶³⁴ ⁶³⁵ ⁶³⁶ ⁶³⁷ ⁶³⁸ ⁶³⁹ ⁶⁴⁰ ⁶⁴¹ ⁶⁴² ⁶⁴³ ⁶⁴⁴ ⁶⁴⁵ ⁶⁴⁶ ⁶⁴⁷ ⁶⁴⁸ ⁶⁴⁹ ⁶⁵⁰ ⁶⁵¹ ⁶⁵² ⁶⁵³ ⁶⁵⁴ ⁶⁵⁵ ⁶⁵⁶ ⁶⁵⁷ ⁶⁵⁸ ⁶⁵⁹ ⁶⁶⁰ ⁶⁶¹ ⁶⁶² ⁶⁶³ ⁶⁶⁴ ⁶⁶⁵ ⁶⁶⁶ ⁶⁶⁷ ⁶⁶⁸ ⁶⁶⁹ ⁶⁷⁰ ⁶⁷¹ ⁶⁷² ⁶⁷³ ⁶⁷⁴ ⁶⁷⁵ ⁶⁷⁶ ⁶⁷⁷ ⁶⁷⁸ ⁶⁷⁹ ⁶⁸⁰ ⁶⁸¹ ⁶⁸² ⁶⁸³ ⁶⁸⁴ ⁶⁸⁵ ⁶⁸⁶ ⁶⁸⁷ ⁶⁸⁸ ⁶⁸⁹ ⁶⁹⁰ ⁶⁹¹ ⁶⁹² ⁶⁹³ ⁶⁹⁴ ⁶⁹⁵ ⁶⁹⁶ ⁶⁹⁷ ⁶⁹⁸ ⁶⁹⁹ ⁷⁰⁰ ⁷⁰¹ ⁷⁰² ⁷⁰³ ⁷⁰⁴ ⁷⁰⁵ ⁷⁰⁶ ⁷⁰⁷ ⁷⁰⁸ ⁷⁰⁹ ⁷¹⁰ ⁷¹¹ ⁷¹² ⁷¹³ ⁷¹⁴ ⁷¹⁵ ⁷¹⁶ ⁷¹⁷ ⁷¹⁸ ⁷¹⁹ ⁷²⁰ ⁷²¹ ⁷²² ⁷²³ ⁷²⁴ ⁷²⁵ ⁷²⁶ ⁷²⁷ ⁷²⁸ ⁷²⁹ ⁷³⁰ ⁷³¹ ⁷³² ⁷³³ ⁷³⁴ ⁷³⁵ ⁷³⁶ ⁷³⁷ ⁷³⁸ ⁷³⁹ ⁷⁴⁰ ⁷⁴¹ ⁷⁴² ⁷⁴³ ⁷⁴⁴ ⁷⁴⁵ ⁷⁴⁶ ⁷⁴⁷ ⁷⁴⁸ ⁷⁴⁹ ⁷⁵⁰ ⁷⁵¹ ⁷⁵² ⁷⁵³ ⁷⁵⁴ ⁷⁵⁵ ⁷⁵⁶ ⁷⁵⁷ ⁷⁵⁸ ⁷⁵⁹ ⁷⁶⁰ ⁷⁶¹ ⁷⁶² ⁷⁶³ ⁷⁶⁴ ⁷⁶⁵ ⁷⁶⁶ ⁷⁶⁷ ⁷⁶⁸ ⁷⁶⁹ ⁷⁷⁰ ⁷⁷¹ ⁷⁷² ⁷⁷³ ⁷⁷⁴ ⁷⁷⁵ ⁷⁷⁶ ⁷⁷⁷ ⁷⁷⁸ ⁷⁷⁹ ⁷⁸⁰ ⁷⁸¹ ⁷⁸² ⁷⁸³ ⁷⁸⁴ ⁷⁸⁵ ⁷⁸⁶ ⁷⁸⁷ ⁷⁸⁸ ⁷⁸⁹ ⁷⁹⁰ ⁷⁹¹ ⁷⁹² ⁷⁹³ ⁷⁹⁴ ⁷⁹⁵ ⁷⁹⁶ ⁷⁹⁷ ⁷⁹⁸ ⁷⁹⁹ ⁸⁰⁰ ⁸⁰¹ ⁸⁰² ⁸⁰³ ⁸⁰⁴ ⁸⁰⁵ ⁸⁰⁶ ⁸⁰⁷ ⁸⁰⁸ ⁸⁰⁹ ⁸¹⁰ ⁸¹¹ ⁸¹² ⁸¹³ ⁸¹⁴ ⁸¹⁵ ⁸¹⁶ ⁸¹⁷ ⁸¹⁸ ⁸¹⁹ ⁸²⁰ ⁸²¹ ⁸²² ⁸²³ ⁸²⁴ ⁸²⁵ ⁸²⁶ ⁸²⁷ ⁸²⁸ ⁸²⁹ ⁸³⁰ ⁸³¹ ⁸³² ⁸³³ ⁸³⁴ ⁸³⁵ ⁸³⁶ ⁸³⁷ ⁸³⁸ ⁸³⁹ ⁸⁴⁰ ⁸⁴¹ ⁸⁴² ⁸⁴³ ⁸⁴⁴ ⁸⁴⁵ ⁸⁴⁶ ⁸⁴⁷ ⁸⁴⁸ ⁸⁴⁹ ⁸⁵⁰ ⁸⁵¹ ⁸⁵² ⁸⁵³ ⁸⁵⁴ ⁸⁵⁵ ⁸⁵⁶ ⁸⁵⁷ ⁸⁵⁸ ⁸⁵⁹ ⁸⁶⁰ ⁸⁶¹ ⁸⁶² ⁸⁶³ ⁸⁶⁴ ⁸⁶⁵ ⁸⁶⁶ ⁸⁶⁷ ⁸⁶⁸ ⁸⁶⁹ ⁸⁷⁰ ⁸⁷¹ ⁸⁷² ⁸⁷³ ⁸⁷⁴ ⁸⁷⁵ ⁸⁷⁶ ⁸⁷⁷ ⁸⁷⁸ ⁸⁷⁹ ⁸⁸⁰ ⁸⁸¹ ⁸⁸² ⁸⁸³ ⁸⁸⁴ ⁸⁸⁵ ⁸⁸⁶ ⁸⁸⁷ ⁸⁸⁸ ⁸⁸⁹ ⁸⁹⁰ ⁸⁹¹ ⁸⁹² ⁸⁹³ ⁸⁹⁴ ⁸⁹⁵ ⁸⁹⁶ ⁸⁹⁷ ⁸⁹⁸ ⁸⁹⁹ ⁹⁰⁰ ⁹⁰¹ ⁹⁰² ⁹⁰³ ⁹⁰⁴ ⁹⁰⁵ ⁹⁰⁶ ⁹⁰⁷ ⁹⁰⁸ ⁹⁰⁹ ⁹¹⁰ ⁹¹¹ ⁹¹² ⁹¹³ ⁹¹⁴ ⁹¹⁵ ⁹¹⁶ ⁹¹⁷ ⁹¹⁸ ⁹¹⁹ ⁹²⁰ ⁹²¹ ⁹²² ⁹²³ ⁹²⁴ ⁹²⁵ ⁹²⁶ ⁹²⁷ ⁹²⁸ ⁹²⁹ ⁹³⁰ ⁹³¹ ⁹³² ⁹³³ ⁹³⁴ ⁹³⁵ ⁹³⁶ ⁹³⁷ ⁹³⁸ ⁹³⁹ ⁹⁴⁰ ⁹⁴¹ ⁹⁴² ⁹⁴³ ⁹⁴⁴ ⁹⁴⁵ ⁹⁴⁶ ⁹⁴⁷ ⁹⁴⁸ ⁹⁴⁹ ⁹⁵⁰ ⁹⁵¹ ⁹⁵² ⁹⁵³ ⁹⁵⁴ ⁹⁵⁵ ⁹⁵⁶ ⁹⁵⁷ ⁹⁵⁸ ⁹⁵⁹ ⁹⁶⁰ ⁹⁶¹ ⁹⁶² ⁹⁶³ ⁹⁶⁴ ⁹⁶⁵ ⁹⁶⁶ ⁹⁶⁷ ⁹⁶⁸ ⁹⁶⁹ ⁹⁷⁰ ⁹⁷¹ ⁹⁷² ⁹⁷³ ⁹⁷⁴ ⁹⁷⁵ ⁹⁷⁶ ⁹⁷⁷ ⁹⁷⁸ ⁹⁷⁹ ⁹⁸⁰ ⁹⁸¹ ⁹⁸² ⁹⁸³ ⁹⁸⁴ ⁹⁸⁵ ⁹⁸⁶ ⁹⁸⁷ ⁹⁸⁸ ⁹⁸⁹ ⁹⁹⁰ ⁹⁹¹ ⁹⁹² ⁹⁹³ ⁹⁹⁴ ⁹⁹⁵ ⁹⁹⁶ ⁹⁹⁷ ⁹⁹⁸ ⁹⁹⁹ ¹⁰⁰⁰

*1 1:13,16,20; HoE 18:19; 19:1-40

2 Ergichi, "Hojii kee, wanta ati itti dadhabdu, obsaan danda'uu kees,

iddoo Seexanni jiraatu sanatti ajjeefame iyyuu, anatti amanuu kee hin ganne*. ¹⁴ Garuu wanta muraasa si irratti argadheera; namoota warra barsiisa Balaa'miitti qabamanii jiran achii qabda. Balaaq ijoollee Israa'el dura gufuu kaa'ee, qalma waaqayyolii tolfamaniif dhi'aate akka nyaatanii fi gaalamootummaatti akka jiraatan gochuu Balaa'mantu barsiisee ture*. ¹⁵ Akkasuma immoo barsiisa warra Niqolaawotaatti qabamanii warra jiran qabda*. ¹⁶ Ammas yaada garaa kee geddaradhu! Kana yoo gochuu dhaabaatte garuu, ani dafee sitti nan dhufa; jara sanas billaa afaan koo keessaa ba'uun nan lola*.

*13 3:8

*14 Lak 22:5,7; 31:16; Kes 23:4;

Lak 25:1-3; Yih la 11; HoE 15:29

*15 2:6

*16 1:16; 19:15

17 "Namni gurra qabu isa hafuurri qulqulluun waldoota kristiyaanaatiin jedhu haa dhaga'u!"

'Isa mo'uuf maannaa dhokataa sana keessaa nan kennaaf; dhagaa calaqqisaa maqaan haaraan irratti caafame tokkos nan kennaaf;

maqichas isa fudhatu sana irraa kan hafe,

namni tokko illee hin beeku" kan jedhuu dha*.

*17 Bau 16:14-15; 16:33-34;

Yoh 6:48-50; Far 78:24; Isa 62:2; 65:15

Ergaa Waldaa Tiyaatiraatti Ergame

18 "Gara ergamaa waldaa Tiyaatiraatti, 'Ergaan kun, kan ilma Waaqayyoo isa ija akka barbadaa ibiddaa qabuu, isa miilli isaa akka sibiila diimaa isa boolla ibiddaa keessatti baqfamee ifu ta'ee ti' jedhii caafi!"

*18 1:14-15; HoE 16:14; Dan 10:6

19 Ergichi, "Ani hojii kee, jaalala kee, amantii kee, warra kaan gargaaruudhaaf of kennuu kee, obsaan danda'uu kee, hojiin kee inni booddee kanaa immoo isa duraa irra caaluu isaas beeka*. ²⁰ Garuu dubartittii Izaabel jedhamtu, ishee 'Ani raajii dha' ofiin jettee barsiiftu, ishee hojjetoonni koos gaalamootummaatti akka jiraatan, qalma waaqayyolii tolfamaniif dhi'aate akka nyaataniiif wallaalchisaa jirtu, caluma jettee dhiisuu kee kana si irratti

argadheera*. ²¹ Ani yaada garaa ishee akka geddarattuuf yeroo kenneefiinture; isheen garuu gaabbitee gaalamootummaa isheettii deebi'uu hin barbaanne. ²² Kunoo, ani akka isheen dhukkub-sattee siree irra ciiftu nan godha, warra ishee wajjin ejjan immoo gaabbani hojii ishee irraa yoo deebi'uu dhaabaatan, rakkina guddaa keessa isaan nan buusa. ²³ Ijoollee ishees dha'ichaan nan ajjeesa; kanaanis waldoonni kristiyanaa hundinuu, inni yaada namaa fi garaa namaa fonqolchu ana ta'uu isaa beekuuf jiru. Ani immoo tokkon tokkon keessaniif akka hojii isaatiitti kennuufan jira*.

*19 Ibr 6:10

*20 1Mot 16:31; 2Mot 9:22,30; Bau 34:15

*23 Far 7:9; 62:12; Er 17:10; Mat 16:27

24 "Tiyaatiraa keessaa, warri haf-tan immoo, barsiisa kanatti warri hin qabamin, isa warri kaan, 'Dhoksaa Seexanaa isa gad fagoo dha' jedhanis warri hin barin, ba'aa kan biraa isin irra hin kaa'u, isiniin nan jedha. ²⁵ Isa qabdan garuu hamma ani dhufutti jabeessaatii qabadhaa*! ²⁶ Nama mo'uuf, isa hojii koo hamma dhumaatti eeggatee hojjetuufis, saba hin amanne baay'ee irratti aboo nan kennaaf*. ²⁷ Inni siiqqee sibiilaatiin saba sana in tiksa, akka qodaa suphees isaan in hurreessa*. ²⁸ Akkuma ani abbaa koo biraa aboo fudhadhes bakkalcha barii nama sanaaf nan kenna*. ²⁹ Namni gurra qabu, isa hafuurri qulqulluun waldoota kristiyaanaatiin jedhu haa dhaga'u!" kan jedhuu dha.

*25 3:11

*26 Far 2:8-9

*27 12:5; 19:15

*28 3:6,13,22; 22:16

Ergaa Waldaa Saardesitti Ergame

3 ¹ "Gara ergamaa waldaa Saardesitti, 'Ergaan kun isa hafuurota Waaqayyooof hojjetan torba, urjoota torbas qabu biraa dhufe' jedhii caafi!"

Ergichi "Ani hojii kee beeka, maqaadhumaa jiraataa dha jedhamtee in waamanta, ati garuu du'aa dha. ² Ka'i, dammaqaas ta'! Wanta hafee du'uuf jedhus jabeessi! Ani fuula Waaqayyoo koo duratti hojiin kee fiixaan ba'uu isaa hin argine*. ³ Ammas wanta sitti

dabarfame akka itti fudhattee fi akka itti dhageesse yaadadhuu, eegi! Yaada garaa kees geddaradhu! Yoo dammaqaa ta'uu dhaabaatte garuu, ani akka hatuun dhufutti nan dhufa, yeroo ani sitti dhufus matumaa hin beektu*! ⁴ Haa ta'u iyyuu malee, Saardes keessaa namoota muraasa warra uffata isaanii hin xurceessine jedhamanii maqaa argatan qabda. Warri kun uffata adii uffatanii anaa wajjin deddeebi'uuf jiru; isaan kanaaf warra malanii dha*. ⁵ Nama mo'utti akkasuma uffata adiitu uffifama; ani maqaa isaa macaafa jireenya, isa warri jireenya argachuuf jiran keessatti caafaman keessaa hin balleessu; abbaa koo duratti, ergamoota isaa durattis maqaa isaa waamee kan koo ta'uu isaa nan beeksisa*.

*1 1:4,16

*2 His 34:4; Luq 22:32

*3 16:15; Mat 24:43-44; Luq 12:39-40; 1Tas 5:2

*4 Yih la 23

*5 6:11; 7:13; 20:12; Bau 32:32-33; Far 69:28; Mat 10:32; Luq 12:8; Filp 4:3

6 "Namni gurra qabu, isa hafuurri qulqulluun waldoota kristiyaanaatiin jedhu haa dhaga'u!" kan jedhuu dha.

Ergaa Waldaa Filaadelfiyaatti Ergame

7 "Gara ergamaa waldaa Filaadelfiyaatti, 'Ergaan kun isa qulqulluu, isa dhugaa, isa banaa Daawit of har-kaa qabu, isa wanta inni banu namni tokko illee cufuu hin dandeenye, wanta inni cufus namni tokko illee banuu hin dandeenye sana biraa dhufe' jedhii caafi*!"

*7 6:10; Isa 22:22; Iyo 12:14

8 Ergichi, "Ani hojii kee beeka; ati humna xinnoo qabda, garuu dubbii koo eegdeetta, maqaa koos hin ganne. Kunoo, ani balbala banamaa fuula kee dura jiru, isa namni tokko illee cufuu hin dandeenye siif kenneera*. ⁹ Kunoo, warra walga'ii Seexanaa keessaa Yihudoota utuu hin ta'in sobanii Yihudoota ofiin jedhan sitti nan kenna. Kunoo, isaan kun dhufanii miilla keetti akka kufan, si jaallachuu koos akka beekan nan godha*. ¹⁰ Ati dubbii koo isa obsaan danda'uu si irraa barbaadu waan eegdeef, anis immoo yeroo qoramsi guutummaa biyya lafaa irratti namoota

lafa irra jiraatan hundumaa qoruudhaaf dhufutti isa jalaa akka baatuuf sin eega. ¹¹ Ani dafee nan dhufa; namni tokko illee gonfoo mo'ichaa isa kan keetii si duraa akka hin fudhannetti, isa qabdu jabeessii eeggadhu*! ¹² Isa mo'u sana mana qulqullummaa Waaqayyoo koo keessatti utubaa nan godha; isa keessaas matumaa hin baafamu. Maqaa Waaqayyoo kootii, maqaa mandara Waaqayyoo kootii, Yerusaaalem ishee haaraa ishee Waaqayyoo koo biraa waaqa keessaa gad buutu, maqaa koo isa haaraas utubaa kana irratti nan caafa*.

*8 1Qor 16:9

*9 2:9; Isa 60:14; 49:23; 43:4

*11 2:10,25

*12 14:1; 22:4; 21:2; Isa 62:2; 65:15; His 48:35

13 "Namni gurra qabu, isa hafuurri qulqulluun waldoota kristiyaanaatiin jedhu haa dhaga'u!" kan jedhuu dha.

Ergaa Waldaa Laa'odiiqueyaatti Ergame

14 "Gara ergamaa waldaa Laa'odiiqueyaatti, 'Ergaa kana isa karaa isaa wanti hundinuu "Ameen" jedhamu, dhuga-baatu isa amanamaa, isa dhugaadhaaf dhugaa ba'u, isa wanti Waaqayyoo uume hundinuu biraa ka'e sanatu erge' jedhii caafi*!"

*14 1:5; Far 89:37; Fak 8:22; Yoh 1:3; Qol 1:15

15 Ergichi, "Ani hojii kee beeka; hojii kee keessatti ati buluqaa yookiis diilallaa'aa miti; ati buluqaa yookiis diilallaa'aa utuu taatee in wayya ture! ¹⁶ Ati garuu bu'aa'aa dha; diilallaa'aa yookiis buluqaa waan ati hin ta'iniif, akka nama bishaan bu'aa'aa afaan isaa keessaa tufuutti, anis si tufuufan jira.

17 "Atis, 'Ani sooreessa, geessifadheera, wanti ana barbaachisus hin jiru' in jetta; ati nama gadadamaa namni boo'uufiin ta'u, deegaa, jaamaa, qullaas ta'uu kee hin beektu*. ¹⁸ Ani immoo akka sooromtuuf warqee qulqulluu ibiddaan ilaalame, qullaa taatee yeella'uun kee akka hin mul'annetti, uffata adii, arguu akka dandeessuttis qoricha ijatti naqattu ana irraa akka bitattu sin gorsa*. ¹⁹ Warran jaalladhu hundumaa balleessaa isaanii ittan mul'isa, barsiisuudhaafis nan adaba; ammas dhimmiitii yaada garaa kee

geddaradhu*! ²⁰ Kunoo, ani balbala dura dhaabadhee balbala nan rukuta; namni sagalee koo dhaga'ee balbala yoo anaaf bane, ani ol nan lixa, isaa wajjinis maaddiitti nan dhi'aadha, innis anaa wajjin in nyaata*. ²¹ Ani ofii kootii mo'ee abbaa koo wajjin teessoo isaa irra akkuman taa'e, inni mo'u anaa wajjin teessoo koo irra akka taa'uuf aboo nan kennaaf*.

*17 Hos 12:8; 1Qor 4:8

*18 16:15

*19 Fak 3:12; Iyo 5:17; 1Qor 11:32;

Ibr 12:6

*20 Luq 12:36; Yoh 14:23

*21 Mat 19:28; Ibr 12:2

22 "Namni gurra qabu, isa hafuurri qulqulluun waldoota kristiyaanaatiin jedhu haa dhaga'ul!" kan jedhuu dha.

Akka Sagadaa Isa Waaqa Keessaa

4 ¹ Kana booddees ani ilaaleen, waaqa keessatti balbala banamaa tokko arge. Sagaleen inni dura akka malakataatti anatti dubbannaan dhaga'ee ture tokko, "As ol kottu, ani immoo wanta kana booddee ta'uun irra jiru sittan argisiisaa!" jedhe*. ² Achumaanis ani hafuuraan nan guutame; kunoo, teessoon tokko waaqa keessa kaa'amee, tokkos teessoo sana irra taa'ee ture*. ³ Inni teessoo sana irra taa'es akka dhagoota Yaasphisii fi Saardiyon warra gati-jabeeyyii, calaqqisee in mul'ata ture; naannoo teessichaa sabbata Waaqayyoo isa dhagaa gati-jabeessa Simaaragidos jedhamu fakkaatutu ture*. ⁴ Teessichatti naanna'anii teessooowwan digdamii afur, isaan irras maanguddoonni digdamii afur taa'anii turan; maanguddoonni kun immoo uffata adaadii uffatanii, mataattis gonfoowwan warqee kaa'atanii turan*. ⁵ Teessicha biraa immoo balaqqeessi bakakkaa, sagaleen qaqawwee, sagaleen biraas in ba'u turan; teessicha fuula duratti guci ibiddaa torba in boba'u turan; isaan kun hafuurota Waaqayyoo hojjetan torbanii dha*. ⁶ Akkasumas fuula teessichaa dura wanti tokko afamee ture; wanti afame sun immoo akka galaana isa of-ilaalee fakkaatee keessaan waa argamuu, akka cabbiis qullaa'aa ture.

*1 1:10; 11:12

*2 20:11; Far 47:8; His 1:26; 10:1; Isa 6:1

*3 His 1:26-28

*4 11:16; 19:4

*5 1:4; 8:5; 11:19; 16:18; Bau 19:16; His 1:13; Zak 4:2

Naannoo teessichaa bukkee garasii fi garanaa uumamni lubbuu qaban afur turan; isaan fuula duraa fi dugda duubaan ija baay'ee qabu turan*. ⁷ Uumamni lubbuu qabu sun inni duraa leenca in fakkaata ture. Uumamni lubbuu qabu inni lammaffaan tuntunoo in fakkaata ture; uumamni lubbuu qabu inni sadaffaan fuula namaa kan fakkaatu gaba ture; uumamni lubbuu qabu inni afuraffaan joobira balali'u in fakkaata ture*. ⁸ Tokkon tokkon uumama lubbuu qaban arfan kanaa immoo, baalee ja'a ja'a qaba; iji isaas keessaa fi duubaan naanna'ee wal in ga'a. Halkanii fi guyyaas utuu aara hin galfatin,

"Waaqayyo gooftichi inni hundumaa danda'u, inni ture, inni amma jiru, inni dhufuuf jirus, qulqulluu dha, qulqulluu dha, qulqulluu dha!" jedhanii in faarfatu*.

*6 15:2; 5:6,8; His 1:5,18,22

*6-7 His 1:5-10; 10:14

*8 His 1:6,11,18; 10:12; Isa 6:2-3; Mul 1:4

9 Uumamni lubbuu qaban kun isa teessoo irra taa'e, isa bara baraan jiraatu sanaaf guddina, ulfina, galatas in dhi'eessu*. ¹⁰ Yeroo kanattis maanguddoonni digdamii arfan, isa teessoo irra taa'e, isa bara baraan jiraatu sanaaf gombifamanii in sagadu; gonfoowwan isaanis teessicha duratti gatanii in faarfatu*. ¹¹ Yommuu,

"Ati waan hundumaa waan uumteef, isaanis jaalala keetiin waan uumamaniif, waan jiraataniif, gooftaa keenyaa! Waaqayyo keenyaa! Guddina, ulfina, aangoos fudhachuun siif in ta'a" in jedhu*.

*9 Dan 6:26

*10 5:14

*11 Yoh 1:3; Efe 3:9

Hoolichi Mallattoo Macaafichaa Banuu Danda'uu Isaa

5 ¹ Yommuu ani mirga isa teessoo irra taa'e sanaatti macaafa maramee taa'u tokko nan arge; macaafichis kees-

saa fi duubaan caafamee, erga cufamee immoo mallattoo torbaan mallateeffamee ture*. ² Ergamaa aango-qabeessa sagalee isaa dhageessisee, "Mallattoo macaafichi ittiin cufame irraa kutee macaaficha banuudhaaf kan male eenyu?" jedhee labso tokkos nan arge. ³ Waaqa keessaa, lafa irraa, lafa jalaa tokko illee macaaficha banee keessa isaa ilaalu hin dandeenye. ⁴ Tokko illee macaaficha banee, keessa isaa ilaaluuf kan male waan hin argaminiif, baay'isee nan boo'e. ⁵ Maanguddoota keessaa inni tokko immoo, "Hin boo'in! Kunoo, leencichi gosa Yihudaa, hidda Daawit keessaa ka'ee mo'eera, inni mallattoo sana torban kutee macaaficha banuu in danda'a" naan jedhe*.

*1 4:2; His 2:9-10

*5 22:16; Q'ma 49:9-10; Isa 11:1,10; Rom 15:12

6 Teessicha duras uumama lubbuu qaban arfanii fi maanguddoota gidduu hoolaa waan qalame fakkaatee dhaabatu tokko nan arge. Hoolichi gaanfa torbaa fi ija torba qaba ture; isaan torban kun hafuurota Waaqayyoo hojjechuudhaaf guutummaa biyya lafaatti ergamanii dha*. ⁷ Hoolichi yeroo sanatti dhaqee harka mirgaa isa teessoo irra taa'ee jiru keessaa macaaficha fudhate. ⁸ Yommuu inni macaaficha fudhates uumamni lubbuu qaban arfan, maanguddoonni digdamii arfanis hoolicha duratti in gombifaman. Adda addaan kiraaraa fi qodaa ixaana itti aarsan, isa warqee irraa hojjetame of harkaa qabu; ixaanni qodicha keessa guutee ture; innis kadhata warra Waaqayyoo qulqullaa'anii ti*. ⁹ Isaan faarfannaa haaraa yommuu faarfatan,

"Ati macaaficha fudhachuudhaaf, mallattoo isaas banuudhaaf kan maltee dha; ati ofii keetii qalamtee, gosa hundumaa keessaa, afaan hundumaa keessaa, nama hundumaa keessaa, saba hundumaa keessaas, namoota dhiiga keetiin Waaqayyooof bitte*.

¹⁰ Waaqayyo keenyaaf mootummaadhaaf, luboota isaas akka ta'an isaan godhatte,

isaanis lafa irratti mo'uuf jiru" jedhan*.

*6 Isa 53:9; Yoh 1:29; Zak 4:10

*8 14:2; 8:3-4; Far 141:2

*9 14:3-4; Far 33:3; 98:1; 144:9; Isa 42:10; 1Phe 1:18-19

*10 1:5-6; 20:6; Bau 19:6; 1Phe 2:9

11 Kana booddee ani ergamoota baay'ee teessichatti, uumama lubbuu qaban sanatti, maanguddoota sanattis naanna'an nan arge; lakkoobsi isaanis kumaatama, kuma kumaatamaas ture; sagalee isaanis nan dhaga'e*. ¹² Isaan sagalee guddaadhaan, "Hoolichi inni qalame aangoos, badhaadhummaa, ogummaa, humna, ulfina, guddina, hooqubaa fudhachuuf kan malee dha" jedhan*. ¹³ Wanti waaqa irratti, lafa irratti, lafa jalatti, galaana keessatti uumamee, isaan keessa jirus hundinuu,

"Hooqubaa, ulfinni, guddinni, aangoon,

isa teessoo irra taa'ee jiru sanaaf, hoolichaafis baraa hamma bara baraatti haa ta'ul!"

jechuu isaanii nan dhaga'e*.

¹⁴ Uumamni lubbuu qaban arfanis, "Ameen!" jedhan; maanguddoonnis gombifamanii sagadan*.

*11 Dan 7:9-10; Ibr 12:22

*12 4:11; 1Sen 29:11

*13 7:10-12; Filp 2:10

*14 19:4

Hoolichi Mallattoowwan Ja'a Kutee Banuu Isaa

6 ¹ Kana booddee hoolichi mallattoowwan torban keessaa isa tokko utuu banuu nan arge; uumama lubbuu qaban arfan keessaa immoo inni tokko sagalee akka qaqawweetiin, "Kottu!" jechuu isaa nan dhaga'e*. ² Ani achi ilaaleen farda adii tokko arge; inni fardicha irra taa'ee immoo iddaa harkatti qabate; gonfoon tokkos isaa in kenname. Inni mo'aa, ammas mo'uudhaaf in ba'e*.

*1 5:1-5; 4:6

*2 19:11-16; Zak 1:8; 6:1-3,6

3 Yeroo hoolichi mallattoo isa lammaffaa bane immoo, uumamni lubbuu qabu inni lammaffaan, "Kottu!" jechuu isaa nan dhaga'e*. ⁴ Fardi biraa diimaa biluun tokkos in ba'e; isa fardicha irra

taa'eef immoo nagaa lafa irraa balleesuuf, namoonnis akka wal gorra'an gochuun in kennameef; akkasumas billaan guddaan tokko isaaf in kenname*.

*3 4:7

*4 Zak 1:8; 6:2

5 Yeroo hoolichi mallattoo isa sadaffaa bane immoo, uumamni lubbuu qabu inni sadaffaan, "Kottu!" jechuu isaa nan dhaga'e. Anis achi ilaaleen farda gurraacha tokko arge; inni fardicha irra taa'es madaalii of harkaa qabature*. 6 Yommus ani wanta sagalee fakkaatu, isa uumama lubbuu qaban arfan gidduudhaa, "Qamadii safartuu xinnoo tokko gatii dadhabbii guyyaa tokkoo, garbuu safartuu xinnoo sadiis gatii dadhabbii guyyaa tokkoo godhi! Ejersaa fi muka waynii garuu hin miidhin!" jedhu nan dhaga'e*.

*5 Zak 6:2,6

*6 2Mot 6:25; 7:1

7 Yeroo hoolichi mallattoo isa afuraffaa bane immoo, sagaleen uumama lubbuu qabuu isa afuraffaa, "Kottu!" jechuu isaa nan dhaga'e. 8 Yommus ani achi ilaaleen farda baalqajjii tokko arge. Inni fardicha irra taa'es maqaan isaa "Du'a" in jedhama, mootummaan warra du'aniis isa duukaa adeeme. Lafa kana irratti harka afur keessaa harka tokko, billaadhaan, beelaan, dha'ichaan, bineensa caakkaatiin akka ajjeesaniif aboon isaaniif in kenname*.

*8 His 14:21; Er 15:2-3

9 Yeroo hoolichi mallattoo isa shanaffaa bane immoo, ani iddoo aarsaa jalatti lubbuu warra dubbii Waaqayyootiif, wanta dhugaa ba'aa turanitti jabaachuu isaaniitiifis jedhanii qalamannii nan arge*. 10 Isaan sagalee guddaa-dhaan iyyanii, "Yaa gooftaa guddaa, qulqulluu fi dhuga-qabeessaa! Warra lafa irra jiraatanitti nuuf faraddee hamma dhiiga keenyaaf gumaa nuuf baaf-tutti hammam tura?" jedhan*. 11 Yommus adduma addaan uffanni adaadiin isaaniif kenname, obboloonni isaanii, hojii Waaqayyoo keessatti hidhati isaanii, warri akkuma isaanii ajjeefamuuf jiran hamma raawwatanii gumaa'anitti, yeroo xinnoo dabalani akka aara gal-fatan isaaniitti himame*.

*9 1:9

*10 3:7; 19:2; Far 79:10

*11 3:5; 7:9; Ibr 11:40

12 Kana booddee hoolichi mallattoo isa ja'affaa banuu isaa nan arge. Socho'a lafaa guddaa tokkotu ta'e; biiftuunis akka cilaattii eeleen in taate, ji'i guutummaatti akka dhiigaa diimate*. 13 Akka ija harbuu qilleensi jabaan raasee harcaasuutti, urjoonni waaqa keessaa lafatti gad harca'an*. 14 Waaqni tarsa'ee gargar baafame, akka macaafa maramuu danda'uutti in marama; tulluun, biyyi bishaan keessaa hundinuus iddoo isaaniitii in butaman*. 15 Kana booddee, mootonni lafa kana irraa, namoonni gurguddoonni, abboonni duulaa, sooreyyiin, jajjaboonni, garbichi, birmaduunis hundinuu holla keessa, kattaa tullootaa gidduus in dhokatan*. 16 Tullootaa fi kattaawwanis waammatanii, "Nu irratti jigaa, fuula isa teessoo irra taa'uu duraa, dheekkamsa hoolichaa duraas nu dhoksaa*! 17 Guyyaan guddaan inni itti isaan kun dheek-kaman dhufeera; egaa eenyutu dura dhaabachuu danda'a ree?" jedhan*.

*12 11:13; 16:18; Isa 13:10; Yoe 2:10,31; 3:15; Mat 24:29; Mar 13:24-25; Luq 21:25

*13 Isa 34:4

*14 16:20; Ibr 1:12

*15 Isa 2:19,21

*16 Hos 10:8; Luq 23:30

*17 Sef 1:14,18; Yoe 2:11; Mil 3:2

Hojjetoonni Waaqayyoo Mallateeffamuu Isaanii

7 ¹ Kana booddees ergamoonni afur golee lafaa arfan irra dhaabatanii, qilleensi lafatti, galaanatti, mukattis akka hin qilleensofnetti qilleensota golee arfanii ittisu isaanii nan arge*. 2 Ergamaan tokko immoo Waaqayyoo isa jiraataa biraa mallattoo fudhatee karaa boruu utuu ba'uu nan arge. Ergamichis ergamoota arfan warra lafaa fi galaana miidhuun isaaniif kenname sana sagalee guddaadhaan waamee, 3 "Hamma nuyi adda hojjetoota Waaqayyoo keenyaatti mallattoo goonutti lafa, galaana, mukas hin miidhinaa!" isaaniin jedhe*.

*1 Er 49:36; Dan 7:2; Zak 6:5

*3 9:4; His 9:4,6

4 Lakkoobsa warra mallateeffamaniis nan dhaga'e; gosa ijoollee Israa'el hundumaa keessaa kumaatama dhibbaa fi kuma afurtamii afurtu mallateeffame*. 5 Gosa Yihudaa keessaa kuma kudha lamatu mallateeffame; gosa Ruuben keessaa kumni kudha

lama, gosa Gaadi keessaa kumni kudha lama*, 6 gosa Asheer keessaa kumni kudha lama, gosa Niftaalem keessaa kumni kudha lama, gosa Mi-naasee keessaa kumni kudha lama, 7 gosa Shimi'oon keessaa kumni kudha lama, gosa Lewwii keessaa kumni kudha lama, gosa Yisaakor keessaa kumni kudha lama, 8 gosa Zebuloon teessaa kumni kudha lama, gosa Yoeef keessaa kumni kudha lama, gosa Beniyaamin keessaa kumni kudha lama in mallateeffaman.

*4 14:1,3

*5 Bau 1:1-4

Tuuti Sonaan Baay'een Teessicha Duratti Argamuu Isaanii

9 Kana booddees ilaaleen tuuta onaan baay'ee, saba hundumaa keessaa, gosa hundumaa keessaa, nama undumaa keessaa, afaan dubbatamu undumaa keessaa dhufan, warra omtinuu lakkaa'uu hin dandeenye an arge; isaan uffata adii uffatanii, amee muka meexxii harka isaaniitti abatanii teessicha dura hoolichaa uras in dhaabatu turan*. 10 Jarri ku-is sagalee guddaadhaan, "Fayyinni Waaqayyoo keenya isa teessicha irraa'uu biraa, hoolicha biraas in arga-na!" jedhan*. 11 Ergamoonni teessicha, maanguddoota, uumama lubbuu aban arfanis naanna'anii dhaabatan undinuu teessicha duratti adda isaaniittiin gombifamanii Waaqayyooof in agadan*. 12 Sagada isaanii keessattis, Ameen! Waaqayyoo keenyaaf hooqu-aan, guddinni, ogummaan, galanni, ilfinni, humni, aangoonis baraa hama-na bara baraatti haa ta'u! Ameen!" edhan*.

*9 5:9; 6:11

*10 5:13

*11 5:11

*12 5:12

13 Ergasii maanguddoota keessaa nni tokko, "Warri uffata adii uffatan kun eenyufa'i, eessaa dhufanis?" jedhee na gaafate. 14 Ani immoo, "Gooftaa ko, situ beeka!" jedheen deebiseef. Inni immoo, "Isaan kun warra rakkina guddaa keessaa ba'anii dhufanii dha; uffata isaanii dhiiga hoolichaatiin miiccatanii addeeffataniiru". 15 Kanaaf isaan teessoo Waa-

qayyoo duratti argamanii, halkanii fi guyyaa mana qulqullummaa isaa keessatti isaaf in hojjetu; inni teessoo irra taa'us godoo isaa diriirsee isaan irra in jiraata*. 16 Egaa deebi'anii hin beela'an, hin dheebotanis; aduun, wanti gubus isaanitti hin bu'u*. 17 Hoolichi teessicha dura gara gidduu jiruus isaan in tiksa, gara burqaa bishaan jireenya kennuuttis isaan in geessa; Waaqayyoo isimmmaan hundumaa ija isaaniittii in haqa" anaan jedhe*.

*14 His 37:3; Dan 12:1; Mat 24:31;

Mar 13:19; Mul 22:14

*15 21:3

*16 Isa 49:10; Far 121:5-6

*17 5:6; 21:4; Far 23:1-2; Isa 25:8;

49:10; His 34:23

Mallattoon Inni Torbaffaan Banamuu Isaa

8 ¹ Yeroo hoolichi mallattoo isa torbaffaa banetti immoo, bantii waaqaa keessatti akka walakkaa sa'aatiif gabiitu ture*. 2 Kana booddee ergamoota torba warra fuula Waaqayyoo dura dhaabatan nan arge; isaaniifis malakanni torba in kennamaniif*. 3 Ergamaan Waaqayyoo kan biraa tokkos, qodaa ixaana itti aarsan isa warqee irraa hojjetame baatee dhufee, iddoo aarsaa dhaabate; iddoo aarsaa warqee irraa hojjetame isa teessicha fuula duraa sana irratti, kadhata warra Waaqayyooof qulqullaa'anii hundumaa wajjin akka inni dhi'cessuuf, ixaanni baay'een ergamichatti in kenname*. 4 Aarii ixaanichaas kadhata warra Waaqayyooof qulqullaa'anii wajjin, harka ergamaa sanaa keessaa gara fuula Waaqayyoootti ol ka'e*. 5 Yommus ergamichi qodaa ixaana itti aarsan sana fuudhee, iddoo aarsaa sanaas ibidda itti guutee, lafatti gad darbate; achumaanis sagaleen qaaw-wee, sagaleen biraas wal jalaa in qabu, bakakkaan in balaqqeessa'a, laftis in socho'a ture*.

*1 Anb 2:20; Zak 2:17

*2 Mat 24:31

*3 5:8; Amo 9:1; Bau 30:1,3

*4 Far 141:2

*5 Lew 16:12; His 10:2; Bau 19:16;

Mul 11:19; 16:18

Sagaleen Malakata Duraa Arfan Dhaga'amu Isaanii

6 Ergamoonni torban malakanni torba kennamaniifis malakata isaanii afuufuudhaaf in qophaa'an.

7 Ergamaan inni duraa malakata isaa afuufe. Cabbiin, ibiddi dhiigaan makames argamee lafa irratti gad dad-darbatame; laftis harka sadii keessaa harki tokko in gubate; mukkeetiin harka sadii keessaa harki tokko in gubatan; margi lalisaa hundinuus in gubate*.

*7 Bau 9:23-25; His 38:22

8 Kana booddee ergamaan inni lam-maffaan malakata isaa afuufe. Wanti akka tulluu guddaa ibiddaan gubatu tokkos galaana keessatti in darbatame; galaanichis harka sadii keessaa harki tokko dhiiga ta'e*. 9 Uumamni lubbuu qaban galaanicha keessa jiraatanis harka sadii keessaa harki tokko in du'an; markaboonnis harka sadii keessaa harki tokko in balleeffaman.

*8 Bau 7:20-21

10 Ergamaan inni sadaffaan immoo malakata isaa afuufe. Urjiin guddaan akka gucaa boba'u tokkos waaqa keessaa lafa dha'e; inni immoo lagoota, burqituwwan bishaanii harka sadii keessaa harka tokko irratti kufe*. 11 Maqaan urjii sanaas "Hadheesso" in jedhama; bishaanonnis harka sadii keessaa harki tokko hadhaa'ootti in geddaraman; sababii bishaan hadhaa'aa ta'eeffis, namoonni baay'een bishaanichaan in du'an*.

*10 Isa 14:12

*11 Er 9:15

12 Ergamaan inni afuraffaanis malakata isaa afuufe. Biiftuun harka sadii keessaa harki tokko, ji'is harka sadii keessaa harki tokko, urjoonnis harka sadii keessaa harki tokko akka dukkaneeffamutti in dha'aman; akkasitti ifni guyyaa harka sadii keessaa harki tokko, ifni halkaniis akkasuma harka sadii keessaa harki tokko hin ibsine*.

*12 6:12; Bau 10:21; Isa 13:10; His 32:7; Yoe 2:10,31; 3:15

13 Kana booddees joobira bantii waaqaa walakkaa balali'u tokkon arge; innis sagalee guddaa isaatiin iyyee, "Sagaleen malakata warra kaanii, inni

ergamoonni sadan dhageessisuuf jedhan dhaga'amuuf waan jiruuf, warra lafa irra jiraataniif wayyoo, wayyoo, wayyoo!" jechuu isaa nan dhaga'e*.

*13 9:12; 11:14; 12:12

Sagaleen Malakata Isa Shanaffaa Dhaga'amu Isaa

9 ¹ Ergamaan inni shanaffaan malakata isaa in afuufe. Yommuus ani urjii isa waaqa keessaa lafa dha'e tokko nan arge; urjichaafis banaan boolla lafa jalaa isa gad fagoo in kennameef*. ² Urjichi afaan boolla lafa jalaa isa gad fagoo sana bane; aarri akka aara iddoo ibidda guddaatii ka'uus boollicha keessaa in ba'e; iji biiftuu, laftis aara boollichaa irraa kan ka'e in dukkanaa'an*. ³ Aaricha keessaa immoo hawaannisatu lafatti ba'e; hawaannisaa kanaafis aboon in kennameef; aboon isaaniiif kennamee fi humni torbaanqabaan lafa irraa qabu wal in fakkaata*. ⁴ Isaan marga lafaa, biqiltuu, mukas utuu hin ta'in, namoota warra mallattoo Waaqayyoo addattii hin qabne duwwaa akka miidhaniif abboomaman*. ⁵ Garuu namoota ajjeesuutuu hin ta'in, ji'a shaniif dhiphisuutu isaaniiif kenname; dhiphinni isaan nama irraan ga'anis, akka isa torbaanqabaan hiddee nama dhiphisuuti. ⁶ Bara sanatti namoonni du'a in barbaadu, garuu hin argatan; du'uus in hawwu, du'i immoo isaan irraa in baqata*.

*1 8:10; 20:1

*2 Uma 19:28

*3 Bau 10:12-15

*4 7:3; His 9:4

*6 6:16; Iyo 3:21; Er 8:3

7 Bifni hawaannisoota sanaa fardeen duulaaf qopheeffaman in fakkaata; wanta akka gonfoo warqee mataa irraa qabu turan. Fuulli isaanii fuula namaa in fakkaata*; rifeensi isaanii akka rifeensa mataa dubartii ti; ilkaan isaanii akka ilkaan leencaa ti*. ⁹ Waan akka maddaa sibiilaa diratanii turan; huursaan baallee isaanii akka huursaa konkolaattota fardeenin harkifamanii duulatti didichanii ti*. ¹⁰ Eegee fi ilkee warra kan torbaanqabaa fakkaatan qabu turan; aboon isaan ittiin ji'a shaniif nama miidhan immoo eegee isaanii keessa jira*. ¹¹ Isaan mootii of irraa

qabu turan, inni immoo ergamaa iddoo lafa jalaa sanaa ti; maqaan ergamichaa afaan Yihudootaatti "Abadoon", afaan Griikiitti immoo "Apholiyon" jedhama; innis "Balleesso" jechuu dha.

*7 Yoe 2:4-5

*8 Yoe 1:6

*9 Yoe 2:5

*10 9:19

12 Wayyoon inni duraa darbeera. Kunoo, kana booddee wayyoon lama amma iyyuu jiru*.

*12 8:13

Sagaleen Malakata Isa Ja'affaa Dhaga'amu Isaa

13 Ergamaan inni ja'affaan malakata isaa afuufe. Yommuus ani sagalee gaanfa arfan biraa ba'u nan dhaga'e; gaanfonni sunis iddoo aarsaa warqee irraa hojjetamee fuula Waaqayyoo durra jiru irra turan*. ¹⁴ Sagalichi, ergamaa isa ja'affaa malakata baatu sanaan, "Ergamoota arfan laga Efraaxiis isa guddichatti hidhaman hiiki!" jedhe*. ¹⁵ Ergamoonni arfan sun in hiikaman; isaan warra namoota harka sadii keessaa harka tokko ajjeesuudhaaf sa'aatii kanaaf, guyyaa kanaaf, ji'a kanaaf, waggaa kanaaf qopheeffamanii turanii dha*. ¹⁶ Lakkoobsa loltoota abboota fardeenii nan dhaga'e; lakkoobsi isaanii miliyoonii dhibba lama ture. ¹⁷ Yommuus ani fardeen sanaa fi warra fardeen sana irra taa'an mul'atatti nan arge. Isaan maddaa sibiilaa isa diimaa, bifa bantii waaqaa, bifa dhangaggoos qabu turan. Mataan fardeen sanaas mataa leencaa in fakkaata ture; afaan isaanii keessaa immoo ibiddi, aarri, dhagaan boba'us in ba'u turan. ¹⁸ Ibidada, aara, dhagaa boba'u, dha'icha sadan afaan fardeenii keessaa ba'an sanaan, namoota harka sadii keessaa harka tokkotu ajjeeffame. ¹⁹ Aboon fardeen sanaas afaan isaanii keessa, eegee isaanii keessas jira; eegeen isaanii inni bofa fakkaatu mataa qaba; isaanii namoota in miidhu*.

*13 8:3; Bau 27:2; 30:1-3

*14 16:12

*15 8:7-12

*19 9:10

20 Namoonni dha'icha sanaan utuu hin ajjeefamin hafan immoo, yaada garaa isaanii geddaratani waaqayyolii

harka isaaniiitiin tolfatan irraa hin deebine; hafuura hamaadhaa fi waaqayyolii warqee irraa, meetii irraa, sibiila diimaa irraa, dhagaa irraa, muka irraas tolfamanii arguu, dhaga'uu, asii fi achi deddeebi'uus hin dandeenyeef gombifamanii sagaduu hin dhiifne*. ²¹ Isaan yaada garaa isaanii geddaratani lubbuu ajjeesuu irraa, qoricha namatti gochuu irraa, halalummaa isaanii irraa, hanna isaanii irraas hin deebine.

*20 16:9,11; 1Qor 10:20; Far 115:4-7

Ergamaa Macaafa Maramu Baatu Arguu Isaa

10 ¹ Ergasii immoo ergamaan aangoo-qabeessi biraa tokko waaqa keessaa utuu gad bu'uu nan arge. Inni duumessa ofitti maree, naannoo mataa isaattis sabbata Waaqayyoo qaba ture; fuulli isaa akka biiftuu in calaqqisa, miillan isaas akka utuboota ibiddaa turan*. ² Inni macaafa maramu xinnaa banamaa isaa of harkaa qaba ture; miilla isaa mirgaa galaana irra, miilla isaa bitaas lafa gogaa irra in kaa'ate*; ³ sagalee guddaa akka sagalee leencaa aaduutiinis in iyye. Yeroo inni iyye sanatti qaawween torban sagalee isaanii in dhageessisan*. ⁴ Akkuma isaan dubbataniin, ani waan isaan jedhan caafuufan ture; garuu sagalee waaqa keessaa, "Wanta qaawween torban dubbatan cufii garaatti qabadhu malee, hin caafin!" jedhu nan dhaga'e*.

*1 1:15-16

*2 5:1

*3 Amo 1:2

*4 Dan 12:4,9

5 Ergamaan inni ani galaana irra, lafa gogaa irras dhaabatee arge sun, harka isaa mirgaa gara waaqaatti ol qabe. ⁶ Maqaa isa baraa hamma bara baraatti jiraatu, isa waaqa, wanta isa keessa jirus, lafa, wanta isa keessa jirus, galaana, wanta isa keessa jirus, uume sanaan kakatee, "Si'achi lafa irra harkisuun hin jiru*"; ⁷ bara malakanni inni torbaffaan afuufamutti garuu, wanti Waaqayyoo dhoksaatti akeeke, akkuma inni raajota hojjetoota isaatti himee ture sanatti, raawwatamuuf jira" jedhe*.

*6 Dan 12:7; Bau 20:11; Kes 32:40

*7 11:15; Amo 3:7; Zak 1:6

8 Yommus sagaleen inni duraan waaqa irraa anatti dubbachuu isaa dha-ga'e sun, deebisee anatti dubbatee, "Dhaqiitii macaafa maramu isa bana-maa, ergamaa isa miilla tokkoon galaan irra, miilla tokkoon lafa gogaa irra dhaabate sana harkaa fudhadhu!" naan jedhe. ⁹Ani yommus gara ergamichaa dhaqeen, macaafa maramu isa xinnaa sana anaaf akka kennuuf nan gaafadhe. Inni immoo, "Macaaficha fudhadhu, nyaadhu! Inni garaa kee hadhaa'aa in godha, afaan kee keessatti immoo mi-yaa'aa akka dammaa in ta'a" naan jedhe*. ¹⁰Kanaaf ani macaafa maramu isa xinnaa sana harka ergamichaa kees-saa fuudhee nan nyaadhe; inni afaan koo keessatti akka dammaa miyaa'aa ture; ergan isa nyaadhee booddee garuu garaan koo hadhaa'aa ta'e. ¹¹Akkasumas, "Ati waa'ee namoota baay'ee, saba baay'ee, afaan baay'ee, mootota baay'ee raajii dubbachuun si irra jira" jedhamee anatti himame*.

*9 His 2:8-10; 3:1-3

*11 Er 1:10

Dhuga-Baatonni Lamaan Ergamuu Isaanii

11 ¹Uleen akka ulce safaraa tokko anaaf in kenname; yommus tokko anatti dubbatee, "Ka'ii, mana qulqullummaa Waaqayyoo iddoo aarsi-chaas safariitii namoota achitti sagada-nis lakkaa'ii!" ²Garuu oobdii mana qulqullummaa safaruu dhiisi! Inni war-ra saba Waaqayyoo hin ta'initti kenna-meera; isaan immoo ji'a afurtamii la-maaf mandara qulqullaa'aa sana dhi-dhiituuf jiru*. ³Dhuga-baatonni koo lamaan uffata gaddaa uffatanii, guy-yoota kuma tokkoo fi dhibba lamaa fi jaatamman sana raajii akka dubbataniif ani karaa nan kennaaf" jedhe*.

*1 His 40:3; Zak 2:1-2,5-6

*2 13:5; Dan 8:10,13; Luq 21:24

*3 12:6

4 Dhuga-baatonni lamaan immoo, muka ejersaa lamaanii fi baattuu ibsaa lamaan Waaqayyoo gooftaa biyya lafaa dura dhaabatani dha*. ⁵Eenyu illee isaan miidhuu yoo barbaade, ibiddi afaan isaanii keessaa ba'ee diinota isaanii in fixa; eenyu illee isaan miidhuu yoo barbaades akkasitti ajjeefamuun irra jira*. ⁶Isaan kun lamaan

bara raajii dubbatan sana waaqa kees-saa bokkaan akka hin roobneef cufuudhaaf aboo qabu; bishaanota dhiigatti geddaruudhaaf, yeroo barbaadanittis dha'icha waan jedhamu hundumaan biyya lafaa rukutuudhaaf aboo qabu*.

*4 Zak 4:3,11-14

*5 2Mot 1:10; Er 5:14

*6 1Mot 17:1; Yaq 5:17; Bau 7:17-20;

1Sam 4:8

7 Yommuu isaan dhugaa ba'uu isaanii raawwatan, bineensichi iddoo lafa jalaa sana keessaa ba'ee, lola isaanitti kaasuuf, isaan mo'uuf, isaan ajjeesuufis jira*. ⁸Reeffi isaaniiis mandaricha guddicha isa gooftaan isaanii duraan itti fannifame keessaa karaa irratti argamuuf jira; mandarii sunis ija hafuuraatiin yommuu ilaalamu "So-dom yookiis Gibxi" jedhamee in waamama*. ⁹Nama hundumaa keessaa, gosa hundumaa keessaa, afaan hundumaa keessaa, saba hundumaa keessaa warri dhufan, guyyaa sadii fi walakkaadhaaf reeffa isaanii lafatti in ilaalu malee, hin awwaalchisan. ¹⁰Warri biyya lafaa irra jiraatan kanatti in gamma-du; kun isaanitti in tola; raajonni warra biyya lafaa irra jiraatan dhiphisin kun waan du'aniifis, namoonni gammadanii kennaa waliif in ergu. ¹¹Guyyaa sadii fi walakkaa booddee immoo hafuurri jireenya kennu Waaqayyoo biraa dhufee, raajota du'an sanatti gale. Isaanis ka'anii dhaabatan; warri isaan argan hundinuu guddaa in sodaatan*.

¹²Yommus raajonni lamaan sun waaqa keessaa sagalee guddaa, "As ol kottaa!" jedhee isaan waamu tokko in dhaga'an. Isaan duumessa keessa gara waaqaatti ol in ba'an; diinonni isaaniiis kana in argan*. ¹³Yeroo sanattis socho'a lafaa guddaatu ta'e; harka kudhan keessaa harki tokkoon mandariichaa in jijjige. Namoonni beekamoon kummi torba socho'a lafaa kanaan ajjeefamanii, warri hafan immoo sodaatani, Waaqayyoo gooftaa waaqaaf hooqubaa dhi'eessan*.

*7 13:1-8; 17:8; Dan 7:7,21

*8 Isa 1:9-10

*11 His 37:5,10

*12 2Mot 2:11

*13 6:12; 16:18

14 Wayyoon inni lammaffaan dar-ra; wayyoon inni sadaffaan immoo ioo, dafee in dhufa*.

9:12

Sagaleen Malakata Isa Torbaffaa Dhaga'amu Isaa

15 Kana booddees ergamichi torfaan malakata isaa afuufe. Waaqa ssaas sagaleen guddaan, "Mootum-in biyya lafaa kan gooftaa keenyaa, Masihiis isaatiis ta'eera; inni im- baraa hamma bara baraatti in a" jedhu in dhaga'ame*. ¹⁶Maandoonni digdamii arfan warri fuula iqayyoo dura teessoo isaanii irra an, adda isaaniitiin gombifamanii iqayyoo in sagadan*.

Isaan, "Yaa Waaqayyoo gooftaa hundumaa dandeessuu, kan jirtuu, kan turtes, humna kee isa guddaa fudhattee waan mooteef, galata siif in dhi'eessina*! Saba Waaqayyoo warri hin ta'in dheekkamaniiru, garuu dheekkamsi kee dhufeera; yeroon warri du'an firdii argatan ga'eera; yeroon hojjetoonni kee raajonni, warri siif qulqullaa'an, warri si sodaatan xixinnaan, gurguddaanis, gatii isaanii itti argatan ga'eera; yeroon warri biyya lafaa balleessan itti balleeffamanis ga'eera" jedhan*.

12:10; Bau 15:18; Dan 2:44; 7:14,27

4:4,10

4:8; 19:4,6

Far 2:5; 110:5; 115:13

19 Kana booddee manni qulqul-maa Waaqayyoo inni waaqa kees-banamee, sanduuqi kakuu mana qullummaa isaa keessaas in arga; balaqqeessi in balaqqeessa'e, saeen biraa, qaqawweenis wal jalaa in aan, lafti in socho'e, cabbiin gud-mis in bu'e*.

*8:5; 15:5; 16:18,21

Dubartittii Fi Bineensa Akka Jawwee Sana Arguu Isaa

2 ¹Wanti guddaan dinqisiisaan tokko, waaqa keessatti in arga-

me; dubartiin biiftuu uffattee, ji'a miilla jala kaa'attee, gonfoo urjoota kudha lamaa mataa ishee irraa qabdu tokko in mul'atte. ²Isheen ulfa turte; ciniinsuu da'umsaatiinis dhiphattee in iyyite. ³Wanti dinqisiisaan biraa tokkos waaqa keessatti in argame; inni immoo bineensa akka jawwee guddaa, diimaa biluu, mataa torba, gaanfa kudhan, mataa isaa torban irratti wanta akka gonfoo torba qabu ture*. ⁴Ecgeen isaa urjoota waaqa keessa jiran harka sadii keessaa harka tokko haxaa'ee, lafatti gad in darbate. Bineensi akka jawwee sunis yeroo dubartittiin deessu mucaa ishee liqimsuudhaaf jedhee, ishee da'uuf jettu sana dura in dhaabate*. ⁵Isheen ilma saba hundumaa siiqqee sibiilaatiin tiksuum jedhu in deesse; ilmi ishee garuu gara Waaqayyooti, gara teessoo isaattis ol in butame*. ⁶Dubartittiin immoo lafa onaatti in baqatte; achitti iddoo Waaqayyoo akka isheen guyyaa kuma tokkoo fi dhibba lamaa fi jaatamaaf, waan ittiin jiraattu argattuuf qopheesseef, qabdi turte*.

*3 13:1; Dan 7:7

*4 Dan 8:10

*5 2:27; 19:15; Isa 66:7; Far 2:8-9

*6 11:3

7 Kana booddees waaqa keessatti lolli in ka'e. Mikaa'el, ergamoota isaa wajjin bineensa akka jawwee sana in lola; bineensichi akka jawwee sunis ergamoota isaa wajjin deebisee isa in lola*. ⁸Bineensichi mirga hin arganne, deebi'ees isaaf ergamoota isaatiif waaqa keessatti iddoo hin arganneef*. ⁹Bineensi guddichi akka jawwee sun, bofni bara durii, inni Diyyaabilos, Seexanas jedhame, inni guutummaa biyya lafaa wallaalchisu gara biyya lafaatti gad in darbatame; ergamoonni isaas isaa wajjin gad in darbataman*. ¹⁰Ani immoo waaqa keessaa sagalee guddaa tokko nan dhaga'e; innis, "Amma fayyinni, aangoon, mootummaan kan Waaqayyoo keenyaa, aboonis kan Masihiis isaatii ta'eera; hadheessituun obboloota keenyaa inni halkanii fi guyyaa Waaqayyoo keenya duratti isaan hadheessaa ture immoo gad darbatameera*. ¹¹Obboloonni keenya immoo dhiiga hoolichaatiin, dubbii isa dhugaa ba'aniinis isa mo'aniiru; isaan du'atti waan isaan geessu

yoo ta'e iyyuu, lubbuu isaanii hin mararsiifanne*.

¹² Egaa yaa bantiwwan waaqaa, warri isaan keessa jiraatanis gammadaa! Yaa lafaa, yaa galaanaa, Seexanni gara keessanitti waan gad bu'eef isiniif garuu wayyoo! Inni yeroo gabaabduu duwwaa akka qabu waan beekuuf, guddaa aareera!" jedhe*.

*7 Dan 10:13,21; 12:1; Yih la 9

*8 Dan 2:35

*9 Luq 10:18; Yoh 12:31; Uma 3:1,14

*10 11:15; Iyo 1:9-11; Zak 3:1

*11 6:9; 7:14; Yoh 12:25; Rom 8:37

*12 Isa 49:13

¹³ Bineensi akka jawwee sun gara lafaatti akka gad darbatame yeroo beeketti, dubartittii ishee ilma deesse sana ari'achuutti in ka'e. ¹⁴ Dubartittiin garuu boficha duraa gara lafa onaa, iddoo itti bara sadii fi walakkaadhaaf waan ittiin jiraattu argattu sanatti, akka balaliituuf baalleen joobira guddichaa lama in kennamaniif*. ¹⁵ Yommus bofichi, bishaan lola'ee akka dubartittii haree adeemuuf, dugda ishee duubaan bishaan akkuma isa laga yaa'utti afaan isaa keessaa duukaa gad naqe. ¹⁶ Lafti garuu dubartittii in gargaare; afaan baneen laga isa bineensichi akka jawwee sun afaan isaa keessaa yaase gad in dhuge. ¹⁷ Yommus bineensichi akka jawwee sun dubartittii sanatti aaree, sanyii ishee warra kaanitti lola kaasuu dhaqe; isaanis warra abboomii Waaqayyoo eeganii, isa Yesus dhugaa ba'ettis jabaatanii dha*. ¹⁸ Bineensichi sun immoo cirracha galaanaa irra in dhaabate.

*14 8:13; Dan 7:25; 12:7

*17 14:12

Bineensa Gaanfa Kudhan Qabu Arguu Isaa

13 ¹ Kana booddee immoo bineensi tokko galaana keessaa utuu ba'uu nan arge; bineensichis gaanfa kudhanii fi mataa torba, gaanfa isaa irratti waan akka gonfoo kudhan, mataa isaa torban irrattis maqaa ulfinaa, Waaqayyoon arrabsuudhaaf kennaman qaba ture*. ² Bineensi ani arge qeerransa in fakkaata ture; miilli isaa akka miilla amaaketaa ti, afaan isaas akka afaan leencaa ti; bineensi akka jawwee sunis humna isaa, teessoo isaa, aboo

isaa isa guddaas bineensichaaf in kenne*. ³ Mataa isaa torban keessaa inni tokko hamma du'aatti waan madaa'e in fakkaata; rukuttaan du'aan ga'u sunis deebi'ee fayye ture. Namoonni guutummaa biyya lafaa dinqifatanii yadaa bineensicha duukaa bu'an*. ⁴ Bineensicha isa kanaaf iyyuu aboo kan kenneef bineensa akka jawwee sana waan ta'eef, namoonni isaaf in sagadan; akkasuma immoo bineensa isa kaaniif sagadanii, "Eenyutu akka bineensa kanaa ta'a? Eenyutus bineensicha loluu danda'a?" jedhan.

*1 11:7; 12:3; 17:3,7-12; Dan 7:3-7

*2 Dan 7:4-6; Luq 4:6

*3 17:8

⁵ Dubbii gurratti guddaa fakkaatuu fi Waaqayyoon kan arrabsu dubbaachuudhaaf afaan in kennameef; ji'a afurtamii lamaaf kana gochuudhaaf aboon in kennameef*. ⁶ Yommus bineensichi Waaqayyoo irratti arrabsoo dubbachuudhaaf, maqaa Waaqayyoo, iddoo buufata isaa, warra waaqa keessa isa bira buufatanis arrabsuudhaaf afaan isaa in bane. ⁷ Warra Waaqayyooof qulqullaa'an lola isaan mo'uunis in kennameef; gosa hundumaa irratti, nama hundumaa irratti, afaan hundumaa irratti, saba hundumaa irrattis aboon in kennameef*. ⁸ Warra lafa irra jiraatan keessaa, uumamuu biyya lafaatii jalqabee maqaan isaanii macaafa hoolicha qalamee, isa warri jireenya argachuuf jiran keessatti caafaman irratti hin argamne hundinuu, bineensichaaf sagaduuf jiru*.

*5 Dan 7:8,11,25; 11:36; Mul 11:2

*7 11:7; Dan 7:21

*8 17:8; 3:5; Far 69:28; Dan 12:1

⁹ Namni gurra qabu haa dhaga'u*!

¹⁰ Namni booji'amuuf jiru, booji'amuun isaa hin oolu; namni billaadhaan ajjeefamuuf jiru, billaadhaan ajjeefamuun isaa hin oolu; kana keessatti obsaan danda'uunii fi amantiin warra Waaqayyooof qulqullaa'anii, in barbaa dama*.

*9 2:7

*10 Er 15:2; 43:11; Mat 26:52; Mul 14:12

Bineensa Gaanfa Lama Qabu Tokko Arguu Isaa

¹¹ Kana malees bineensa lafa keessa ba'u biraa tokko nan arge; akk

100laa gaanfa lama qaba, akkuma bineensa akka jawwee sanas in dubbata ture*. ¹² Bineensi inni lammaffaan kuus aboo bineensi inni duraa qaba ture undumaan, isuma duratti in hojjeta; yiyyi lafaa, warri isa keessa jiraatanis bineensa isa duraa, isa rukuttaan lu'aan ga'u deebi'ee fayyeef sanaaf, akka sagadan in godha. ¹³ Inni milikikka gurguddaa in argisiisa; ibidda iyyuu ja namootaa duratti waaqa keessaa afatti gad in buusa*. ¹⁴ Milikkita bineensa isa duraa sana duratti akka inni rgisiisuuf kennameef sanaan, warra ifa irra jiraatan in wallaalchisa; warra iyya lafaa irra jiraatan sana wallaal-hisuudhaafis, bifa fakkeenya bineensicha billaadhaan rukutamee deebi'ee raatee, waaqessuudhaaf akka tolfatan aanitti in hima*. ¹⁵ Bifa fakkeenya bineensa isa duraa sanatti lubbuu itti ochuun, bineensa isa lammaffaa saaf kennamee ture; kana irraa kan a'es bifni fakkeenya bineensichaa kun ubbachuu iyyuu danda'ee, hammi saaf hin saganne akka ajjeefaman in odhe. ¹⁶ Bineensichi namni hundinuu, innaa, guddaan, sooreessi, hiyyeessi, irmaduun, garbis harka mirgaa irratti ookiis adda irratti gubaa akka qabaatu gochisiisa*. ¹⁷ Kana gochuun isaas amni gubaa bineensicha isa duraa, isa naqaa isaa yookiis lakkoobsa maqaa saa argisiisuuf irraa yoo qabaate naalee, bituus gurguruus akka hin daleenyeeef.

*11 16:13; Mat 7:15

*13 Mat 24:11,24; 2Tas 2:9-10

*14 19:20

*16 14:9-11

¹⁸ Kana keessatti ogummaan in barbaadama; lakkoobsi kun maqaa naaatiif waan dhaabatuuf, namni samnuu qabu lakkoobsicha lakkaa'ee bira ga'uu in danda'a; lakkoobsi isaa immoo dhibba ja'aa fi jaatamii ja'a*.

*18 17:9

Hoolichaa Fi Namoota Isaa Arguu Isaa

14 ¹ Ergasiis ani ilaalee, hoolicha tulluu Xiyyoon irra dhaabate nan arge; namoonni kumaatamni dhibbaa fi kumni afurtamii arfan, warri maqaan isaa, maqaan abbaa isaatiis adda isaaniitti caafamee ture, isaa wajjin turan*.

² Sagalee akka huursaa bishaan baay'ee, akka guungummii qaqawwee guddaas waaqa keessaa nan dhaga'e; sagaleen ani dhaga'es waan akka sagalee kiraara gurguddaa warri kiraara rukutan dhageessisanii ture*. ³ Isaan faarfannaa haaraa fuula teessichaa, fuula uumama lubbuu qaban arfanii, fuula maanguddootaa duratti in faarfatu; faarfannaa sana immoo warra kumaatama dhibbaa fi kuma afurtamii arfan, biyya lafaa keessaa furaman sana malee, namni biraa tokko illee baruun hin danda'u*. ⁴ Isaan kun warra dubartoota bira dhaquudhaan of hin xureessinii dha, isaan qeerrota duudaa dha; warri lafa hoolichi dhaqu hundumaatti isa duukaa bu'an isaan kana. Isaan kun warra sanyii namaa keessaa Waaqayyoo fi hoolichaaf furaman, warra jalqabaa ti*. ⁵ Sobni tokko illee afaan isaanii keessatti hin argamne; isaan warra mudaa hin qabnee dha*.

*1 7:3-4; 3:12; His 9:4

*2 1:15

*3 5:9

*4 1Qor 7:1,8; 2Qor 11:2

*5 Isa 53:9; Sef 3:13

Ergamoonni Sadan Waan Ta'uuf Jiru Himuu Isaanii

⁶ Kana booddee ergamaan biraa tokko, wangeela isa bara baraa baatee, warra lafa irra taa'anitti, saba hundumaatti, gosa hundumaatti, afaan dubbatamu hundumaatti, nama hundumaattis labsuudhaaf bantii waaqaa walakkaa utuu balali'uu nan arge. ⁷ Innis sagalee guddaadhaan, "Yeroon firidii isaa waan ga'eef, Waaqayyoon sodaadhaa, ulfinas kennaaf! Isa waaqa, lafa, galaana, burqituu bishaanii uumeefis sagadaa!" jedhe*.

*7 15:4; Far 146:6

⁸ Ergamaan biraa, inni lammaffaanis isa duraa duukaa bu'ee, "Kufteetti, Baabilon guddittiin isheen sabni hundinuu daadhii waynii dheekkamsaa isa halalummaa ishee irraa dhufu akka dhugan goote, kufteetti!" jedhe*.

*8 18:2; Isa 21:9; Er 51:7-8

⁹ Ergamaan biraa, inni sadaffaanis isaan duukaa bu'ee sagalee guddaadhaan, "Namni bineensichaa fi bifa fakkeenya isaafis yoo sagade, gubaa sanas adda isaatti yookiis harka isaatti

yoo fudhate*, ¹⁰ innis ofii isaatii daa-dhii waynii dheekkamsa Waaqayyoo, isa utuu makaa hin qabaatin xoofoo dheekkamsa isaatti buufame dhuguuf jira; fuula ergamoota qulqullootaatti, fuula hoolichaa durattis ibiddaa fi dhagaa boba'uun dhiphifamuuf jira*.
¹¹ Aarii ibidda isaan dhiphisuu immoo baruma baraan ol in ba'a; warra bineensichaa bifa fakkeenya isaatiifis sagadaniif, nama gubaa maqaa isaa argisiisu fudhatuufis, halkan, guyyaas aara galfachuun hin jiru" jedhe*.

*9 13:12-17

*10 16:19; 19:20; Far 75:8; Isa 51:17; Er 25:15; Uma 19:24; His 38:22

*11 19:3; Isa 34:9-10

¹² Kana keessatti obsaan danda'uun warra Waaqayyoo qulqullaa'anii, abboommii Waaqayyoo eeganii, Yesusitti amanuu isaanii jabeessanii in barbaadama*.

*12 13:10; 12:17

¹³ Ani amma immoo sagalee waaqa keessaa, "Warri gooftaatti qabamanii utuu jiranii du'an, ammaa jalqabanii warra gammadanii dha, kana caafi!" naan jedhu nan dhaga'e. Hafuurri qulqulluunis, "Eyyee, dadhabbii isaaniiitti aara haa galfatan, iji hojii isaanii immoo isaan duukaa in bu'a" in jedha*.

*13 Filp 1:23; Isa 57:2; Ibr 4:10

Haamamuu Biyya Lafa Kanaa Arguu Isaa

¹⁴ Kana booddees ilaaleen duumessa adii tokko arge, ilma namaa kan fakkaatu tokko immoo, gonfoo warqee mataatti kaa'atee, haamtuu qaramaa tokkos harkatti qabatee, duumessa sana irra taa'ee ture*.
¹⁵ Ergamaan biraa tokko immoo mana qulqullummaa sana keessaa ba'ee, sagalee guddaadhaan isa duumessa irra taa'e sanaan, "Wanti biyya lafaa kanaa haamamu guutummaatti bilchaatee irra darbeera, yeroon haamaas ga'eera, haamtuu kee itti kaa'itii haami!" jedhe*.
¹⁶ Kana irratti inni duumessicha irra taa'e haamtuu isaa biyya lafaatti kaa'ee isa cire, biyyi lafaas in haamame.

*14 1:13; Dan 7:13; Mat 24:30; Mar 13:26

*15 Yoe 3:13; Mat 13:39

¹⁷ Ammas ergamaan biraa tokko mana qulqullummaa isa waaqa irraa keessaa in ba'e; innis immoo haamtuu

qaramaa of harkaa qaba ture. ¹⁸ Kana booddee ergamaan biraa inni ibidda irratti aboo qabu tokko iddoo aarsaatii gad ba'ee, sagalee guddaadhaan ergamaa isa haamtuu qaramaa baatu sanaan, "Iji waynii isaa waan bilchaateef, haamtuu kee itti kaa'itii hurbuu waynii biyya lafaa kutii walitti qabi!" jedhe.
¹⁹ Kanaaf ergamaan sun haamtuu isaa biyya lafaatti kaa'ee, hurbuu wayniis muka isaa irraa kutee, iddoo cuunfaa waynii dheekkamsa Waaqayyoo isa guddaatti daddarbate*.
²⁰ Wanti iddoo cuunfaa sana keessa jirus mandara duubatti in dhiidhiitame; iddoo cuunfaa sana keessaas dhiigni in ba'e. Inni luugama fardaa bira hamma ga'utti ol ka'ee, akka kiilo metirii dhibba sadiif immoo in lola'e*.

*19 19:15

*20 Isa 63:3; Faru 1:15

Ergamoota Dha'icha Warra Gara Dhumaa Fidan Arguu Isaa

¹ Kana booddees milikkita guddaadhaa fi dinqisiisaa biraa tokko, waaqa keessatti nan arge; innis ergamoota torba warra dha'icha gara dhumaa torban of harkaa qaban ture; dheekkamsi Waaqayyoo isaan kanaan waan dhaabatuuf, dha'icha gara dhumaa jedhaman*.

*1 16:1

² Ergasii ani wanta akka galaana dhoqqee of-ilaalee ibiddaan makaa irraa hojjetame tokko nan arge. Akkasumas warri bineensicha, bifa fakkeenya bineensichaa, lakkoobsa maqaa isaatiif dhaabatu irrattis mo'icha argatan, kirara isa kan Waaqayyoo harka isaaniiitti qabatanii, wanta akka galaana dhoqqee of-ilaalee sana bukkee dhaabatanii nan arge*.
³ Isaan faarfannaa Musee garbicha Waaqayyoo, faarfannaa hoolichaas in faarfatu,

"Yaa Waaqayyoo gooftaa hundumaa dandeessuu, hojiin kee guddaa dha, dinqisiisaa dhas!

Ati yaa mootii saba hundumaa, karaan kee hundinuu qajeelaa dha dhugaa dhas*!

*4 Yaa gooftaa!

Namni si hin sodaanne, maqaa kees kan hin guddifne eenyu?

Si duwwaatu qulqulluu dha; sabni hundinuu in dhufu, siifis in sagadu;

gochaan kee inni qajeelaa mul'ifameera*!" in jedhu*.

*2 4:6

*3 Bau 15:1; Kes 32:4; Far 111:2; 145:17

*4 Er 10:7; 16:19; Far 86:9

⁵ Kana booddees waan biraa nan arge; manni qulqullummaa inni waaqa irraa, dukaanni dhuga-baatu in banane*; ⁶ ergamoonni torbas uffata calaajisaa quncee muka talbaa qullaa'arraa hojjetame uffatanii, qoma isaaniiis idhata warqetiin hidhatanii, dha'icha orban sana of harkatti qabatanii, mana qulqullummaa sana keessaa in ba'an*. Uumama lubbuu qaban arfan keessaa ni tokko, waciitii warqee irraa hojjetaman torba, dheekkamsi Waaqayyoo bara baraan jiraatuu akka keessa uutetti, ergamoota torbaniif kenne*. Manni qulqullummaa sunis guddina /aaqayyoo fi aangoo isaa irraa kan a'e aaraan in guute; hamma yeroo ha'ichi torban ergamoonni torban fiin sun raawwatametis, eenyu illee mana qulqullummaa sana lixuu hin andeenye*.

*5 11:19; Bau 38:21

*5 1:13

*7 4:6-8; 14:10

*8 Bau 40:34; 1Mot 8:10-11; 2Sen 5:13-1; Isa 6:4

Ergamoonni Dheekkamsa Waaqayyoo Waciitota Keessaa Gad Naquu Isaanii

⁶ ¹ Yommuu mana qulqullummaa sana keessaa sagalee guddaa ergamoota torban sanaan, "Dhaqaa, aciitii dheekkamsa Waaqayyoo toranuu keessaa lafa irratti gad naqaa!" dhu nan dhaga'e*.

*1 15:5-7

² Egaa ergamaan inni duraa achii 'ee, waciitii isaa keessaa lafa irratti ad in naqe; madaan sodaachisaanii fi rukubsaan, namoota gubaa bineensiaa of irraa qabanitti, warra bifa fakkeenya isaatiif sagadanittis in nam'e*.

*2 Bau 9:9-10

³ Ergamaan inni lammaffaan immoo waciitii isaa keessaa galaana iratti gad in naqe; innis akka dhiiga ama du'u keessaa dhangala'ee ta'e;

wanti lubbuu qaban galaana keessa jiraatan hundinuu in du'an.

⁴ Ergamaan inni sadaffaan immoo waciitii isaa keessaa laga irratti burqituu bishaanii irrattis gad in naqe; isaan immoo dhiiga in ta'an*. ⁵ Yommuu ani, ergamaan waa'ee bishaanii beeku dubbachuu isaa nan dhaga'e; innis,

"Ati, yaa isa qulqulluu, inni jirtu, inni turtes, firdii kana kennuun kee qajeelaa dha!

*6 Namoonni dhiiga warra siif qulqullaa'anii,

kan raajotaas dhangalaasaniiru; ati immoo dhiiga akka dhuganiif isaaniif laatteetta;

kun wanta isaanii ta'uu dha!" jedhe*.

*7 Sagaleen tokkos iddoo aarsaatii, "Eyyee, yaa Waaqayyoo gooftaa hundumaa dandeessuu, firdiin kee dhugaa dha qajeelaa dhas!"

utuu jedhuu nan dhaga'e*.

*3-4 8:8; Bau 7:17-21; Far 78:44

*6 18:24; Far 79:3

*7 19:2; Far 119:137

⁸ Ergamaan inni afuraffaan immoo waciitii isaa keessaa biiftuu irratti gad in naqe; inni immoo ibidda isaatiin namoota waxaluun in kennameef; ⁹ namoonnis ho'a sodaachisaa sanaan in waxalaman. Kana keessaa immoo isaan Waaqayyoon isa dha'icha kana hundumaa irratti gooftummaa qabu maqaa balleessan malee, yaada garaa isaanii hin geddaranne, Waaqayyoofis ulfina hin laanne*.

*9 9:20-21

¹⁰ Ergamaan inni shanaffaan immoo waciitii isaa keessaa teessoo bineensichaa irratti gad in naqe; mootummaan bineensichaa dukkanaa in liqimfame; namoonnis dhiphina irraa kan ka'e arraba isaanii in cicciniinan*. ¹¹ Dhiphina isaanii fi madaa isaanii irraa kan ka'es, Waaqayyoo gooftaa waaqaa maqaa balleessan malee, yaada garaa isaanii geddaratanii hojii isaanii irraa hin deebine.

*10 13:1-2; Bau 10:21-22

¹² Ergamaan inni ja'affaan immoo waciitii isaa keessaa Efraaxiis laga guddicha irratti gad in naqe; bishaanichi in goge, mootonni warra

ba'a-biiftuu akka dhufaniifis karaan in banameef*. ¹³ Yommus ani afaan bineensa isa akka jawwee sanaa keessaa, afaan bineensicha isa kaanii keessaa, afaan raajii sobduu keessaas hafuuronni xuraa'oon sadii fattee fakkaatanii utuu ba'anii nan arge*.

¹⁴ Isaan hafuurota Seexanaa warra milikkita garaa garaa argisiisanii dha; isaan kun mootota, guutummaa biyya lafaa lola guyyaa isa guddicha kan Waaqayyoo hundumaa danda'u sanaaf, walitti qabuudhaaf warra ba'anii dha*.

*12 9:14; Isa 11:15; 44:27

*13 12:3,9; 13:11; Bau 8:3

*14 13:13; 19:19

¹⁵ Sagaleen tokkos, "Kunoo, ani akka hattuun dhufutti nan dhufa, namni dammaqu, namni qullaa isaa adeemee saalli isaa bakkeetti akka hin mul'annetti, uffata isaa eeggatu haa gammadu!" jedhe*.

*15 3:3,18; Mat 24:43-44; Luq 12:39-40; 1Tas 5:2; 2Phe 3:10; 2Qor 5:3

¹⁶ Hafuuronni hamaonni sun mootota sana iddoo afaan Ibrootaatti "Armaagedoon" jedhamutti walitti in qaban*.

*16 Abo 5:19; 2Mot 23:29; Zak 12:11

¹⁷ Ergamaan inni torbaffaan immoo waciitii isaa keessaa qilleensa keessatti gad in naqe; sagaleen guddaan tokkos mana qulqullummaa keessaa, teessoo sana biraa ba'ee, "Ta'ee-ra!" jedhe. ¹⁸ Balaqqeessi in balaqqeesa'e; sagaleen biraa, qaqawweenis wal jalaa in qaban, laftis guddisee in socho'e; guddinni socho'a lafaa sunis erga namni lafa irratti uumamee, sanyiin isaa takkaa kan hin ta'ini dha*.

¹⁹ Mandarri inni guddichi kutaa sadiitti gargar in cabe, mandaronni saba biyya lafaa in jijjigan; Waaqayyoo immoo Baabilon guddittiin xooffoo dheekkamsa isaa isa sodaachisaa keessaa akka dhugduuf isheedhaaf kennuu in yaadate*. ²⁰ Biyyi bishaan keessaa hundinuu baqatee in sokke; tulluunis hin argamne*. ²¹ Cabbiin dhagaa gurguddaa, tokkon tokkon isaa akka kiilo graamii jaatamaa ulfaatu waaqa keessaa namoota irra in bubbu'e; dha'ichi cabbii sunis baay'ee guddaa sodaachisaa waan ta'eef, isa irraa kan ka'e namoonni Waaqayyoon maqaa in balleessan*.

*18 8:5; 11:13,19

*19 14:8,10; Isa 51:17,22-23; Er 25:15

*20 6:14

*21 Bau 9:18,23; Mul 11:19

Adaba Ejjituu Ishee Guddittii Arguu Isaa

17 ¹ Kana booddee ergamoota torban waciitii torba qaban sana keessaa inni tokko dhufee anatti dubbatee, "Kottu, firdii ejjituu ishee guddittii, mandara bishaanota baay'ee irratti ijaaramte sanaa, sitti nan argisiisaa*! ² Mootonni biyya lafaa kanaa ishee wajjin ejjaniiru, daadhii waynii halalummaa isheetiinis warri lafa irra jiraatan machaa'aniiru" jedhe*. ³ Hafuuraanis ol na fuudhee gara lafa onaatti na geesse; achittis dubartii bineensa bildiimaa tokko irra teessu nan arge. Maqaan ulfinaa, Waaqayyoon arrabsuudhaaf kennaman isa irra guutanii turan; innis mataa torbaa fi gaanfa kudhan qaba ture*. ⁴ Dubartittiin uffata dhiilgee, diimaa biluus uffatee, warqee, dhagaa fi callee gati-jabeeyyii naqatee, kubbayyaa warqee wanta ciiggaasisaadhaa fi xuraa'ummaa halalummaa isheetiin guute, harkatti qabatee turte*. ⁵ Maqaan dhokataan, "Baabilon guddittii, haadha ejjitootaa fi wanta ciiggaasisaa biyya lafaa" jedhu tokko immoo adda isheetti caafamee ture*. ⁶ Akkasumas dubartittiin dhiiga warra Waaqayyoo qulqullaa'aniitiin, dhiiga warra Yesusiif dhugaa ba'uu isaanii tiif ajjeefamaniitiinis machoofttee nan arge; yeroon ishee arges guddisee nan dinqisiifadhe*.

*1 15:1; 16:19; Er 51:13

*2 18:3,9; 14:8; Isa 23:17; Er 51:7

*3 His 37:1; Mul 13:1

*4 18:16; Er 51:7

*5 2Tas 2:7; Mul 14:8

*6 18:24

⁷ Garuu ergamichi aanan, "Maaliif dinqisiifata? Dhoksa dubartittii, kan bineensicha ishee baatuu, isa mataa torbaa fi gaanfa kudhan qabuu, sitti himuufan jira*. ⁸ Bineensi ati argite sun, takka jiraataa ture, amma immoo hin jiru; iddoo lafa jalaa keessaa ol ba'uuf jira, booddee immoo gara badiisaa irra dhaqa. Sababii inni takka jiraataa turee, amma immoo hin jirreef, deebi'ee immoo argamuuf jiruuf, warri biyya

lafa irra jiraatan, warri uumamuu biyya lafaatii jalqabee maqaan isaanii macaafa warra jireenya argachuuf jiraanii keessatti hin caafamin, bineensicha arganii raajeffachuuf jiru*.

*8 13:1-8; Far 69:28

⁹ "Kun sammuu ogummaa qabu in barbaada; mataan torban tulloota torban dubartittiin irra teessuu dha; akkasumas mataan torban mootota torba*." ¹⁰ Isaan keessaa shan kufaniiru, tokko jira, inni tokko immoo amma illee hin caane; yommuu ka'u immoo yeroo gabaabduu duwwaadhaaf turuun isa rra jira. ¹¹ Bineensichi inni takka jiraataa ture amma hin jirre immoo, saddeeffaa dha; garuu warruma torban sana ceessa ture, inni gara badiisaa in dhaqa. ¹² Gaanfonni kurnan ati argite immoo, mootota kudhan warra kanaan lura mootummaa hin fudhatinii dha; garuu isaan bineensichaa wajjin sa'aa-i tokkittiidhaaf akka moototaatti aboo udhachuudhaaf jedhu*. ¹³ Isaan kun yaada tokkicha qabu, kumna isaanii fi iboo isaanii dabarsanii bineensichatti n kennu. ¹⁴ Isaan hoolichatti lola in caasu; hoolichi garuu gooftaa gooftaa, mootii moototaas waan ta'eef, saan in mo'a; warri isaa wajjin jiranis warra waamaman, warra fo'aman, warra amanamanii dhas" jedhe*.

*9 13:18

*12 13:1; Dan 7:7,24

*14 19:14,16,19

¹⁵ Itti dabalees ergamichi aanan, "Bishaanonni ati iddoo isheen ejjituun teessutti argite immoo, nama baay'ee dha, tuuta baay'ee dha, saba baay'ee dha, afaan baay'ee dhas*. ¹⁶ Gaanfonni kurnan ati argite, bineensichis ishee ejjittuu sana jibbuuf jiru; isaan onanii qullaatti ishee in hambisu; isaan foon ishee in nyaatu, ibiddaanis ishee in gubu*. ¹⁷ Isaan hamma dubbiin Waaqayyoo raawwatamutti warra yaada tokkoo ta'uudhaan, mootummaa isaanii dabarsanii bineensichatti kennuudhaanis, akeeka Waaqayyoo hojii irra akka oolchaniif, inni kana garaa isaanii keessa kaa'eera. ¹⁸ Dubartittiin ati argite immoo, mandara guddittii ishee mootota lafaa irratti mootummaa qabduu dha" jedhe.

*15 Isa 8:7; Er 47:2

*16 18:8

Kufuun Baabilon Himamuu Isaa

18 ¹ Kana booddees ergamaan biraa tokko aboo guddaa fudhaatee, waaqa keessaa utuu gad bu'uu nan arge; ulfina isaa irraa kan ka'es biyyi lafaa in ife*.

² Inni sagalee cimaadhaan iyyee, "Kufteetti, Baabilon guddittiin kufteetti,

iddoo buufata hafuurota

hamootaa taateetti;

lafa hafuuri xuraa'aan itti

deddeebi'u,

lafa allaattiin xuraa'oonii fi

jibbamoon

itti deddeebi'an taateetti*!

³ Sabni hundinuu daadhii waynii dheekkamsaa

isa halalummaa ishee irraa

dhufu dhuganiiru,

mootonni biyya lafaa ishee

wajjin ejjaniiru;

naggaadonni lafa irraas

badhaadhummaa ishee

isa keessa-ba'adhaan

sooromaniiru" jedhe*.

⁴ Ergasiis sagalee biraa tokko waaqa keessaa nan dhaga'e; innis, "Yaa saba ko!

Cubbuu ishee keessaa akka hin qabaannetti,

dha'icha ishee irraas akka hin

hirmaannetti,

kottaa, ishee keessaa ba'aa*!

⁵ Cubbuun ishee hamma bantii waaqaatti ol tuulameera,

Waaqayyoo jal'ina ishee

hundumaa yaadateera*;

⁶ waan isheen nama irratti fidde, ishee irratti deebisaa,

wanta isheen gooteefis,

dachaa lama godhaa dugda

baasaaf!

Xooffoo isheen itti namaaf

bulbultetti,

harka lama kan hammaatu

bulbulaaf*!

⁷ Akkuma isheen ulfina ofiif

laatee,

qannoo keessa-ba'aattis jiraatte,

safaruma isaatiin dhiphinaa fi

gadda kennaaf!

Isheen garaa isheetti, 'Ani

mootuun addana nan taa'a,

ani haadha hiyyeessaa miti,

gaddas matumaa hin argu'
ofiin jetteetti*.

* Waaqayyo gooftaan inni isheetti faradu
aango-qabeessa waan ta'eef,
dha'ichi garaa garaa, dhukkubni adeemaan,
gaddi, beelli,
guyyaa tokkichatti isheetti dhufuuf jiru,
ibiddaanis gubamuuf jirti!" jedhe*.

*1 10:1; His 43:2

*2 14:8; Isa 21:9; 34:11-15; 13:21; Er 50:39; 51:8

*3 Isa 23:17; Er 51:7

*4 Isa 48:20; Er 50:8; 51:6,45; 2Qor 6:17

*5 Uma 18:20-21; Er 51:9

*6 Far 137:8; Er 50:15,29

*7 Isa 47:7-8

*8 Isa 47:9; Er 50:31,34; Mul 17:16

9 Mootonni biyya lafaa warri ishee wajjin ejjanii, qannoo keessa-ba'aatti jiraatan, aara gubachuu ishee yommuu argan, isheedhaaf boo'anii wawwaa-chuuf jiru*. 10 Dhiphina ishee sodaatanis irraa fagaatanii dhaabatanii, "Yaa Baabilon ati mandara guddittii!

Wayyoo kaa, yaa mandara humna-qabeettii,
firdiin kee sa'aatii tokko keessatti dhufe'o,
wayyoo kaa!" in jedhu.

*9 17:2; His 26:16-17

11 Naggaadonni biyya lafaas, si'a-chi mi'a isaanii namni irraa bitu waan hin jirreef, isheedhaaf in boo'u in gadduufis*. 12 Mi'a warqee, meetii, dhagaa gati-jabeessaa, callee, uffata quncee talbaa qullaa'aa irraa hojjeta-me, uffata bifa dhiilgee, haarrii, uffata bildiimaa, muka urgaa'u hundumaa, mi'a ilka irraa hojjetame, mi'a muka baay'ee gati-jabeessa irraa hojjetame, mi'a sibiila diimaa, kan sibiilaa, kan dhagaa miidhagaa, gati-qabeessaas*, 13 qarafaa, urgooftuu dibataa, ixaana, qumbii, haphee, daadhii waynii, dha-dhaa ejersaa, daakuu bullaa'aa, qama-dii, saawwa, hoolaa, farda, konkolaataa fardaan harkifamu, garba, lubbuu namaa iyyuu isaan irraa kan bitu hin jiru.

*11 His 27:27-36

*12 His 27:12-24

14 Isaan yommuu, "Wanti lubbuun kee ija isaa argachuudhaaf

hawwee ture si harkaa ba'eera, simboon kee fi cululuqni kee hundinuu si harkaa badaniiru,
deebi'anis matumaa hin argaman!" ittiin jedhu.

15 Naggaadonni mi'a kana bitanii gurguran, warri ishee irraa sooruma argatanii turanis, dhiphina ishee sodaachu irraa kan ka'e irraa fagaatanii dhaabatanii in boo'u in gadduuf*.

16 Boo'icha keessas,

"Mandara guddittii,
ishee uffata quncee talbaa qullaa'aa,
uffata dhiilgee fi bildiimaa uffachaa turteef,
ishee warqeedhaa fi dhagaa gati-jabeessa,
callee naqachaa turteef wayyoo! Wayyoo*!

17 Sa'aatii tokko keessatti badhaadhummaan kun hundinuu waan bade ta'eera!" in jedhu.

Warri markaba irratti ajajan, warri markabaan adeeman, warri markaba keessaa hojjetan, warri hojii galaana irratti hojjetamuun jiraatan hundinuu ishee irraa fagaatanii in dhaabatan*.

18 Aara gubachuu ishee yeroo argan iyyanii, "Mandara kamtu akka mandara guddittii kanaa ture?" jedhan*.

19 Biyyoo mataa isaanii irratti firfirsanii, in boo'an, in gaddanis; iyyanii,

"Mandara guddittii, ishee warri markaba

galaana irraa qaban hundinuu badhaadhummaa isheetiin

sooromaniif, wayyoo!

Wayyoo!

Sa'aatii tokko keessatti kan badde taateetti!"

in jedhu turan*.

20 Sagaleen tokko immoo,

"Yaa bantii waaqaa, kana irratti gammadi!

Isin warri Waaqayyoo qulqulloofan,

ergamoonni isaa warri lafa irraa, raajonnis,

Waaqayyo isheetti isiniif waan faradeef

gammadaa!" jedhe*.

*15 His 27:31,36

*16 17:4

*17 Isa 23:14; His 27:26-30

*18 His 27:32

*19 His 27:30-34

*20 12:12; Kes 32:43; Er 51:48

21 Kana booddee ergamaan aango-qabeessi tokko dhagaa akka dhagaa daakuu guddaa tokko fuudhee galaana keessatti darbatee,

"Baabilon mandarri guddittii akkas furguggifamtee,
gad in darbatamti,
deebitees hin argamtu*!

22 'Sagaleen warra kiraara rukutuu, kan wallees,

kan warra ululle fi fiinoo

afuufaniis,

deebi'ee si keessatti hin

dhaga'amu;

namoonni waan garaa garaa

miidhagsanii hojjechuutti

beekaman,

deebi'anii si keessatti hin

argaman;

sagaleen dhagaa daakuus,

deebi'ee si keessatti hin

dhaga'amu*;

23 ifni ibsaa,

deebi'ee si keessatti hin ifu;

sagaleen dhirsaa misirroo fi kan

misirroo,

deebi'ee si keessatti hin

dhaga'amu;

dur illee naggaadonni kee

namoota gurguddoota biyya

lafa turan,

sabni hundinuu qoricha namatti

gochuu keetiin

gowwoomfamanii turan*.

24 Amma immoo, dhiigni raajotaa fi

kan warra Waaqayyoo

qulqullaa'anii,

kan warra lafa irratti qalamanii

hundinuu,

ishee keessatti argamuu isaatiif,

kun ittiin jedhame" jedhe*.

*21 Er 51:63-64; His 26:21

*22 Isa 24:8; His 26:13

*23 Er 7:34; 25:10; Isa 23:8

*24 17:6; Er 51:49; Mat 23:35-37

Faarfannaa Mo'ichaa Waaqa Keessaa Dhaga'uu Isaa

19 1 Kana booddee tuuta baay'ee sagalee guddaadhaan waaqa keessaa huursu nan dhaga'e; innis, "Haaleluyaa! Fayyinni, guddinni, aangoon kan Waaqayyo keenyaa ti*! 2 Firdiin isaa dhugaa, qajeelaas waan

ta'eef, inni ejjituu guddittii ishee halalummaa isheetiin biyya lafaa balleessite sanatti faradeera; dhiiga hojjetoota isaatii isa taa'eef dhangalaafes gumaa baaseera" jechaa ture*.

*1 11:15; 12:10

*2 16:7; Far 19:9; 119:137; Kes 32:43; 2Mot 9:7

3 Ammas itti dabalannii, "Haaleluyaa! Aari mandarattii gubattu sanaas baraa hamma bara baraatti ol in ka'a" jedhan*. 4 Maanguddoonni digdamii arfan, uumamni lubbuu qaban arfanis gad gombifamanii, Waaqayyo isa tees-soo irra taa'eef sagadanii, "Ameen, haaleluyaa!" jedhan*.

*3 Isa 34:10

*4 4:4; 5:14

Cidha Hoolichaatti Waamamuun Ayyaanomuu Ta'uu Isaa

5 Sagaleen tokko immoo teessicha biraa ba'ee,

"Isin hojjetoonni isaa hundinuu,

isin warri isa sodaattan,

xinnaanis guddaanis Waaqayyo

kenya jajadhaa!" jedhe*.

6 Kana booddee immoo wanta akka sagalee tuuta baay'ee, kan akka huursaa bishaan baay'ee fi guungummii qaqawwee humna-qabeessaa tokko nan dhaga'e; innis,

"Haaleluyaa! Gooftaan keenya

Waaqayyo,

inni hundumaa danda'u in

mo'a*.

7 Kottaa in gammannaa, in

ililichinas!

Maqaa isaas in guddifnaa!

Guyyaan gaa'ela hoolichaa

ga'eera,

misirroon isaas isaaf of

qopheessiteetti*!

* Uffata quncee talbaa irraa

hojjetame,

calaqqisaa fi qullaa'aa

uffachuun

isheedhaaf kennameera" jedhe;

uffanni quncee talbaa sunis

hojii warra Waaqayyoo

qulqullaa'anii isa qajeelaa

dha*.

*5 Far 115:13; 134:1

*6 11:15,17; His 1:24; Far 93:1; 97:1; 99:1

*7 Far 118:24; Mul 21:2,9

*8 Isa 61:10

9 Yommu ergamaan sun, "Warri gara cidha gaa'ela hoolichaatti waamaman haa gammadan! Atis kana caafi!" Itti dabalees, "Kun dubbii Waaqayyoo isa dhugaa dha" naan jedhe*. 10 Kana irratti isaaf sagaduu-dhaaf miilla isaatti nan kufe; inni garuu, "Kana gochuun siif hin ta'u! Ani siif, obboloota kee warra isa Yesus dhugaa ba'etti qabamaniifis hidhata hojii ti, Waaqayyooof sagadi!" naan jedhe. Inni Yesus dhugaa ba'e immoo isa hafuurri namoota raajii dubbachiisuu dha*.

*9 Mat 22:2-3; Luq 14:5

*10 22:8-9; HoE 10:25-26; 14:15; Mul 12:11,17

Isa Farda Adii Irra Taa'e Arguu Isaa

11 Kana booddee ilaalee, bantiin waaqaa banamee, farda adii tokkos nan arge. Inni fardicha irra taa'es maqaan isaa, "Amanamaa, dhugaas" in jedhama; firdiitti, lolattis qajee-lummaadhaan in hojjeta*. 12 Iji isaa akka barbadaa ibiddaa ti, mataa isaa irra waan akka gonfoo baay'eetu jira; maqaa isa irratti caafamee jiru tokko qaba, garuu isuma malee, namni tokko illee hin beeku*. 13 Uffata dhiiga cuuphame tokko in uffata, maqaan isaa "Sagalee Waaqayyoo" jedhame*. 14 Loltoonni waaqa keessaa immoo uffata quncee talbaa adii fi qullaa'aa uffatanii, fardeen adaadii irra taa'anii, isa duukaa in bu'an. 15 Afaan isaa keessaa billaa qaramaa, isa inni ittiin saba Waaqayyoo warra hin ta'in rukututu ba'e. Inni ofii isaatii saba sana siiqqee sibiilaatiin in tiksa; inni ofii isaatii iddoo cuunfaa waynii dheekkamsa sodaachisaa, isa kan Waaqayyoo hundumaa danda'uu dhidhiituuf jira*. 16 Uffata isaa irratti, gudeeda isaa irrattis maqaan, "Mootii moototaa, gooftaa gooftotaa" jedhu caafamee jira*.

*11 6:2; 3:14; His 1:1; Far 96:13; Isa 11:4

*12 1:14; Dan 10:6

*13 Isa 61:1-3; Yoh 1:1

*15 1:16; 2:27; 14:19-20; Far 2:9; Isa 63:3; Yoe 3:13

*16 17:14; 1Xim 6:15

17 Kana booddee ergamaan tokko biiftuu irra dhaabatee nan arge. Innis allaattii bantii waaqaa walakkaa bala-

li'an hundumaa sagalee guddaadhaan waamee, "Kottaa, nyaata isa guddaa Waaqayyoo isiniif qopheessee walitti qabamaa! 18 Foon moototaa, foon abboota duulaa, foon warra goototaa, foon fardeenii, kan warra isaan irra taa'anii, foon nama hundumaa, kan birmadu, kan garbichaas, kan isa guddaa, kan isa xinnaas nyaachuu-dhaaf kottaa!" jedhe*.

*17-18 His 39:4,17-20

19 Ergasii immoo bineensichi, mootonni biyya lafaas loltoota isaanii wajjin, isa fardicha irra taa'uuf loltoota isaa loluudhaaf walitti qabamanii nan arge*. 20 Bineensichi in qabame; raajichi sobduun inni fuula isaa duratti milikkita argisiise isaa wajjin in qabame; inni warra gubaa bineensichaa of irratti fudhatanii, bifa fakkeenya isaa tiif sagadan milikkita sanaan gowwomsee ture. Warri qabaman kun lamaan fayyumatti kuufama ibiddaa isa dhagaa boba'uun balalchu keessatti in darbataman*. 21 Warri hafan immoo billaa afaan isa farda irra taa'uu sana keessaa ba'een in ajjeefaman; allaattiin sun hundinuus foon isaan kan-naa quufanii in nyaatan.

*19 17:12-14

*20 13:1-18; 20:10; Dan 7:11

Warra Wagga Kuma Tokkoof Kristosii Wajjin Mo'an

20 1 Kana booddees ergamaan banna iddoo isa lafa jalaa sanaa, fuuncaa guddaas of harkaa qabu tokko, waaqa keessaa gad bu'uu isaa nan arge*. 2 Inni bineensa akka jawwee, bofa bara durii, Diyaabilos, Seexana sana qabee, wagga kuma tokkoof in hidhe*. 3 Waggaan kumni sun hamma raawwatamutti, akka inni deebi'ee saba biyya lafaa hin wallaalchifnetti, iddoo isa lafa jalaa sanatti darbatee, balbala itti cufee mallattoo itti godhe; isa booddee garuu yeroo muraasaaf gad dhiifamuun in ta'aaf.

*1 18:1; 2Phe 2:4

*2 12:9; Uma 3:1

4 Kana booddees teessotaa fi warra firdii kennuun isaaniif kenname teessota sana irra taa'an nan arge; akkasuma immoo lubbuu warra isa Yesus dhugaa ba'etti, dubbii Waaqayyoottis jabaachuu isaaniitiif mormatti kukkutamanii, warra

bineensichaa, fakkeenya isaaf hin sagadin, gubaa isaas adda isaanii fi harka isaanii hin fudhatin nan arge. Isaan deebi'anii jiraatanii, wagga kuma tokkoof Kristosii wajjin in mo'an*. 5 Kun du'aa ka'uu isa duraa ti; warra du'an keessaa isaan kana malee, warri hafan, waggaan kumni sun hamma raawwatamutti deebi'anii hin jiraanne*. 6 Namni du'aa ka'uu isa duraa kana keessaa qooda qabu attam gammada! Attamis Waaqayyooof kan qulqullaa'ee dha! Duuni lammaffaan warra akkasii irratti humna hin qabu; isaanoo luboota Waaqayyoo, luboota Kristosii ta'anii, isaa wajjin wagga kuma tokkoof mo'uuf jiru*.

*4 6:9; Dan 7:9,22,27; 1Qor 6:2

*5 1Qor 15:23-24

*6 5:10

Seexanni Mo'amuu Isaa

7 Waggaan kumni sun yommuu raawwatamu, Seexanni iddoo itti hidhamee turee gad in dhiifama. 8 Inni saba golee lafaa arfan keessa jiran Googin, Maagooginis, gowwomsuudhaaf, lolaaf walitti isaan qabuudhaafis in ba'a; lakkoobsi isaaniis akka cirracha galanaa ti*. 9 Isaan kun lafa bal'aatti ba'anii, buufata warra Waaqayyooof qulqullaa'anii, mandara jaallatamtuu sanas in marsan; garuu ibiddi waaqa keessaa bu'ee isaan fixe*. 10 Seexanni inni isaan gowwommes kuufama ibiddaa fi dhagaa boba'u, lafa bineensichii fi raajiin sobduun sun jiranitti gad in darbatame; isaan baraa hamma bara baraatti halkanii fi guyyaa dhiphifamuuf jiru*.

*8 His 7:2; 38:2,9,15

*9 His 38:22; 39:6

*10 19:20; 14:10; Mat 25:41

Firdiin Inni Dhumaa Kennamuu Isaa

11 Kana booddees teessoo adii guddaa tokkoo fi isa teessicha irra taa'e nan arge; laftii fi waaqni fuula isaa duraa in baqatan, iddoonis isaaniif hin argamne*. 12 Warra du'anis xinnaa fi guddaa teessicha dura utuu dhaabatanii nan arge. Macaafonni in banaman; macaafni biraa, inni warri jireenya argachuuf jiran itti caafaman tokkos in baname; warri du'an immoo akka hojii dur hojjetaniitti, akka isa macaafota keessatti caafameettis firdii argatan*.

*11 4:2; Mat 25:31; 2Phe 3:7,10,12

*12 3:5; Dan 7:9-10

13 Galaanni warra du'anii isa keessa turan of keessaa baasee in kenne. Duunii fi mootummaan warra du'anii, warra du'anii isaan harka turan of harkaa baasanii in kennan; namni hundinu adduma addaan akka hojii isaatiitti firdii in argate*. 14 Kana booddees duunii fi mootummaan warra du'anii kuufama ibiddaatti gad in darbataman; kuufamni ibiddaa kun du'a isa lammaffaa dha*. 15 Namni maqaan isaa macaafa isa warri jireenya argachuuf jiran keessatti caafaman keessatti hin argaminis, kuufama ibiddaatti gad in darbatame.

*13 Yoh 5:28-29

*14 1Qor 15:26,54-55

Bantii Waaqaa Haaraa, Lafa Haaraas Arguu Isaa

21 1 Kana booddees, ani bantii waaqaa haaraadhaa fi lafa haaraa nan arge; bantiin waaqaa inni duraa, lafti inni duraas darbaniiiru, galaannis deebi'ee hin argamu*. 2 Yerusaaalem mandarii qulqullitti isheen haaraan, Waaqayyoo biraa bantii waaqaa keessaa, akka misirroo dhirsa isheetiif kuulamteetti, qophooftuu utuu gad buutuu nan arge*. 3 Yommu ani sagalee guddaa tokko nan dhaga'e; innis teessoo sana biraa, "Kunoo, iddoon Waaqayyoo buufatu namoota gidduu dha, inni isaan bira buufachuuf jira, isaanis saba isaa ta'uuf jiru; Waaqayyoo ofii isaa isaanii wajjin jiraachuuf jira, Waaqayyoo isaaniis ta'uuf jira*." 4 Inni imimmaan hundumaa ija isaaniitti in haqa; wanti duraa waan darbeef, egaa duuni deebi'ee hin argamu, gadduun, iyyuun, waraansis si'achi hin jiru!" jedhe*.

*1 20:11; Isa 65:17; 66:22; 2Phe 3:13

*2 Isa 52:1; 61:10; Ibr 12:22; Mul 3:12

*3 His 43:7; 37:27; 48:35; Lew 26:11-12

*4 7:17; Isa 25:8; 35:10; 65:19

5 Inni teessoo irra taa'e immoo, "Kunoo, ani waan hundumaa haaraa nan godha!" jedhe; itti dabalees, "Dubbiin kun amanamaa, dhugaas waan ta'ef, kana caafi!" naan jedhe*. 6 Akkasumas, "Ta'eera! Ani Alfaa dha, Omeegaa dhas, isa jalqabaa ti, isa dhumaa tis; ani isa dheeboteef burqituu

bishaan isa jireenya kennuu irraa tola nan kennaaf*. ⁷Inni mo'u kana itti darbee argachuuf jira; ani Waaqayyo isaa nan ta'a, innis ilma koo in ta'a*. ⁸Qoodi warra lugnootaa, warra amantii hin qabnee, warra ciigga'amoo, warra gumaa, warra halalee, warra qoricha namatti godhanii, warra waaqayyolii tolfaman waaqessanii, warra sobduu hundumaas garuu, kuufama ibiddii fi dhagaan boba'u keessaa balalchu in ta'a; innis du'a lammaffaa dha" naan jedhe*.

*5 Isa 43:18-19

*6 1:8; 22:17; Isa 55:1

*7 3:21; 2Sam 7:14; Far 89:26-27

*8 22:15; Efe 5:5

Yerusaalem Ishee Haaraa Arguu Isaa

⁹Ergasii ergamoota torban warra wacitiiti torba dha'icha gara dhuma torban keessa guutan of harkaa qabu turan keessaa inni tokko dhufee, anatti dubbatee, "Kottu, ishee misirroo, haa-dha manaa hoolichaa sitti nan argisiisaa!" jedhe*. ¹⁰Hafuuraanis ol fuudhee gara tulluu guddaa dheeraa tokkootti na geesse; Yerusaalem mandara qulqullittii Waaqayyo biraa bantii waaqaa keessaa gad buutuu anatti in argisiise*. ¹¹Isheen ulfina Waaqayyoo qabdi, calaqqisi ishees akka dhagaa baay'ee gati-jabeessaa, akka Yaasphis, qullaa'aa akka cabbii tis. ¹²Masaraa guddaa dheeraa qabdi turte, masarichis karra kudha lama qaba; karra sana irras ergamoota kudha lamatu ture. Mataa karra sanaa irratti maqaan gosa ijoollee Israa'el kudha lamaan caafamee jira*; ¹³karra ba'a-biiftuu karra sadii, karaa harka bitaa karra sadii, karaa harka mirgaa karra sadii, karaa lixa-biiftuu karra sadiitu turan. ¹⁴Hundeen masaraa sanaa kan irra dhaabate immoo dhagoota kudha lama, isaan irratti immoo maqaan ergamoota hoolichaa warra bartoota isaa turan kudha lamaanii caafamee jira.

*9 15:1,6,7; 19:7

*10 21:2; His 40:2

*12 His 48:30-35

¹⁵Ergamaan inni anatti dubbates, mandarattii, karra ishee, masaraa ishees safaruudhaaf ulee safaraa warqee irraa hojjetame tokko qaba ture*.

¹⁶Mandarattiin gara arfaniin wal qixee, hojjaan ishee fi garaan ishees tokkicha ture. Ergamichis ulee safaraa isaatiin mandarattii in safare, gar tokkoon ishees kiilo metirii kuma lamaa fi dhibba sadii in ta'e; hojjaan ishee, garaan ishee, ol ka'inni ishees wal qixee ture*. ¹⁷Masaraa ishees in safare, innis akka safara dhundhuma namaa, ergamichi ittiin safareetti, dhundhuma dhibbaa fi afurtamii afur ta'e. ¹⁸Masaraan ishee dhagaa Yaasphis irraa hojjetame; mandarattiin immoo warqee qullaa'aa isa akka of-ilaalee qullaa'aa keessaan waa arganiitiin ijaaramte. ¹⁹Hundeen masaraa mandarattii dhagaa gati-jabeessa adda addaatiin miidhagamee ture. Dhagaa gati-jabeessi hundeen irra dhaabate sunis inni duraa Yaasphis, inni lammaffaan Safiir, inni sadaffaan Kaalqedon, inni afuraffaan Simaaraagidos*, ²⁰inni shanaffaan Sardoniikis, inni ja'afaan Saardiyon, inni torbaffaan Krisoliixos, inni saddeettaffaan Beerilos, inni salgaaffaan Tophaaizyon, inni kurnaffaan Krisophaasos, inni kudha tokkoffaan Hiyaakinxos, inni kudha lammaffaan Ametiixos ture. ²¹Karri kudha lamaan callee gati-jabeeyyii kudha lama turan, karri sunis adduma addaan callee gati-jabeessa tokko irraa hojjetaman; karaan mandarattii sanaa warqee qulqulluu isa akka of-ilaalee keessaan waa argamu irraa hojjetame*.

*15 His 40:3

*16 His 48:16-17

*19 Isa 54:11-12

*21 22:2

²²Manni qulqullummaa ishee Waaqayyo gooftaa isa hundumaa danda'uu fi hoolicha waan ta'ee, ani mana qulqullummaa tokko illee mandarattii keessatti hin argine. ²³Biiftuun yookiis ji'i mandarattii irratti ibsuun barbaachisaa miti; ulfinni Waaqayyoo ifa ishee ti, hoolichis ibsaa ishee ti*. ²⁴Sabni ifa isheetiin in deddeebi'u, mootonni biyya lafaas wanta ulfina qabu isaan bira jiru gara isheetti in fidu*. ²⁵Karri ishee matumaa guyyaadaahan hin cufaman, halkan immoo achi hin jiru*. ²⁶Wanti ulfina-qabeessi, wanti gati-qabeessi saba biyya lafaa bira jiru gara isheetti in fidama. ²⁷Macaafa hoolichaa isa

warri jireenya argachuuf jiran keessatti caafaman sana keessatti, warra argaman duwwaa malee, wanti xura'aan tokko illee, warri wanta ciiggaasisaa yookiis wanta sobaa hojjetan tokko illee achitti hin galan*.

*23 22:5; Isa 60:1,19-20

*24 Isa 60:3,5

*25 Isa 60:11; Zak 14:7

*27 Isa 52:1; His 44:9

Yerusaalem Ishee Haaraa Keessatti Waan Arge Himuu Isaa

22 ¹Kana booddees ergamichi laga bishaan jireenya namaaf kennu, isa bishaan isaa akka cabbii ddaatu teessoo Waaqayyootii fi hoolichaa biraa ba'u anatti argisiise*. ²Bihaanichi karaa mandarichaa walakkaa n yaa'a; lagicha gamaa gamanas muka ireenya namaaf kennu tokkotu dhaabaa; mukti kun waggaatti si'a kudha ama ija waan godhatuuf, ji'a ji'aan iji rraa in argama; baalli mukichaas saba iyya lafaa fayyisuudhaaf in ta'a*. Wanti abaaramaan mandarattii keessatti hin argamu; teessoon Waaqayyoo i hoolichaa ishee keessa jira, hojjeonni isaas isaa in hojjetu*. ⁴Isaan uula isaa arguuf jiru, maqaan isaas adda isaanii irratti argamuuf jira*. Halkanis deebi'ee hin argamu; Waaqayyoo gooftaan ifa isaanii ta'uuf waan iruuf, ifni ibsaa, ifni aduus isaanii hin barbaachisu. Isaan baraa hamma bara raatti mo'uuf jiru*.

*1 His 47:1; Zak 14:8; Yoe 3:18

*2 21:21; His 47:7,12; Uma 2:9; 3:22

*3 Zak 14:11

*4 Far 17:15; Mat 5:8; Mul 3:12

*5 21:22-25; Isa 60:19; Dan 7:18,27

Dafee Dhufuu Gooftaa Yesus Dhaga'uu Isaa

⁶Yeroo sanatti ergamichi, "Dubbiin kun hundinuu amanamaa dha, dhugaa dhas; Waaqayyo gooftaan inni hafuurota raajonni ittiin dubbatan aboomu, wanta dafee ta'uun irra jiru hojjetoota isaatti argisiisuudhaaf ergamaa isaa erge" naan jedhe*.

*6 21:5; 11:1; Dan 2:28

⁷Inni dhufu sun, "Kunoo, ani dafee nan dhufa, namni dubbii macaafa kana keessatti raajii dubbatame kana cegu, attam haa gammadu!" jedhe*.

*7 1:3

⁸Ani Yohannis kana hundumaa dhaga'eera, argeeras; kana dhaga'ee, argees erga ani raawwadhee, ergamaa isa kana hundumaa anatti argisiiseef sagaduudhaaf miilla isaatti nan kufe*. ⁹Inni garuu, "Kana gochuun siif hin ta'u! Ani sii fi obboloota kee warra raajotaaf, warra dubbii macaafa kanaa eeganiifis hidhata hojii ti, Waaqayyooof sagadi!" naan jedhe. ¹⁰Itti dabalces, "Barri kun itti raawwatamu waan dhi'aateef, dubbii macaafa kana keessatti raajii dubbatame mallattoodhaan hin cufin*! ¹¹Inni waan jal'aa hojjetu, jal'aadhuma isaa haa hojjetu; inni xura'aan, ittumaa of haa xureessu; inni waan qajeelaa hojjetu, qajeelaadhuma isaa haa hojjetu; inni Waaqayyooof qulqullaa'e, isumaaf haa qulqullaa'u!" jedhee anatti hime*.

*8 1:4,9; 19:10

*10 1:3; 10:4

*11 Dan 12:10

¹²Inni dhufu sun, "Kunoo, ani dafee nan dhufa, gatii isa ani adduma addaan akka hojii isaatiitti namaaf kennus fidee nan dhufa*. ¹³Ani Alfaa dha Omeegaa dha, isa duraa ti isa booddee ti, isa jalqabaa ti isa dhumaas" jedhe*.

*12 2:23; Isa 40:10; 62:11; Far 28:4;

Er 17:10; Rom 2:6

*13 1:8,17; 2:8; Isa 44:6; 48:12

¹⁴Warri uffata isaanii miicatan haa gammadan! Isaan muka jireenya namaaf kennu bira ga'uudhaaf aboo qabu; karra sanaanis mandarichatti ol in galu*. ¹⁵Garuu warri akka saree [waan hundumaa xureessan], warri qoricha namatti godhan, warri halaleen, warri gumaa, warri waaqayyolii tolfaman waaqessan, warri wanta sobaa jaallatan warri hojjetanis hundinuu alatti in hafu*.

*14 Uma 2:9; 3:22

*15 21:8; Filp 3:2; 1Qor 6:9-10

¹⁶Inni dhufu sun, "Wanti kun hundinuu waldoota kristiyaanaa, akka ga'uuf, ani Yesus ergamaa koo ergee isiniif dhugaa baasisceera, ani hidda Daawit, sanyii isaa tis, ani bakkalcha barii isa calaqqisaa dha" in jedha*.

*16 1:1-2; 5:5; Isa 11:1,10

¹⁷Hafuuriichii fi misirroottiin, "Kottu" in jedhuun; namni kana dhaga'us, "Kottu" haa jedhu! Namni dheebote

haa dhufu, namni bishaan barbaadus
utuu gatii hin baasin bishaan jireenya
kennu haa fudhatu*!

*17 21:6; Isa 55:1; Yoh 4:14; 7:37

Xumura Dubbii Isaa

18 Ani kana kanan caafe, nama
dubbii macaafa kana keessatti raajii
dubbatame dhaga'u, of eeggachiisuu-
dhaa fi dhugaa itti ba'uuf nan jedha.
Namni dubbii kanatti yoo waa dabale,
Waaqayyo adaba isaa irratti dha'icha
waa'een isaanii macaafa kana kees-
satti caafaman isatti dabaluuuf jira*.

¹⁹ Namni dubbii macaafa kana kees-

satti raajii dubbatame irraa yoo waa
hir'ise immoo, Waaqayyo muka jiree-
nya kennuu fi mandarattii qulqulluu
waa'een isaanii macaafa kana kees-
satti caafaman keessaa qooda isaa
hir'isuuf jira.

*18 Kes 4:2; 12:32

20 Inni wanta kana hundumaa
dhugaa baasises, "Haa ta'u! Ani da-
fee nan dhufa" in jedha. Ameen!
Kottu, gooftaa Yesu*!

21 Ayyaanni gooftaa Yesu hundu-
maa wajjin haa ta'u*!

*20 1Qor 16:22

*21 Rom 16:24